







SACRA POEMATATA.

Das ist /

Geistliche Gedicht / Durch Weilandt

Den Durchleuchtli-

gen hochgebornen Fürsten vñ Herrn /

Herrn Joachim Ernsten / Fürsten zu An-

halt / Grauen zu Ascanien / Herrn zu Zerbst vnd Bern-

burgk / etc. hochlöblicher seliger gedencknis / mit eigener

hand auffgezeichnet / vnd nach Sr. F. G. tödt-

lichen abgang / in derselben Kirchen-

stul befunden.

Daraus zuuernemen /

Wie Sr. F. G. mit Geistlichen vnd
Leiblichen anfechtungen wol versucht / darinnen

göttlicher hülff vnd worts / sich hertzlich getröstet / mit

tieffer andacht in embsigen Gebet sich stets geübet / vnd

nicht allein für die ihren sampt vnd sonderlich / sondern

auch für die ganze Landschafft / vnd Vntertha-

nen / als ein rechter Vater des Vaterlandes /

trewlich gesorget / gewacht / gebett.

Gott zu lob vnd ehr / Sr. F. G. zu beständigem zeugnis /

vnd allen Christen zum guten exempel publiciret.

Sampt einem Register.

CVM GRATIA ET PRIVILEGIO.

Anno Christi 1587.

[Faint, mirrored text from the reverse side of the page, including the word 'TAM' at the top.]

**KEN. PR. FR.
UNIVERS.
ZY HALLE**



Den hochgebornen

Fürsten vnd Fürstin / Herrn / Frawen /
vnd Frewlein / Fraw Anna Maria / Herzogin
zur Lignis vnd Brige / Fraw Elisabeth / Churfürstin
zu Brandenburg / Fraw Sibylla / Greuin zu Wir-
temberg vnd Mumpelgart / Herrn Johans Georgen /
Herrn Christian / Fraw Agnes Hedwig / Chur-
fürstlicher Widwen zu Sachsen / Herrn Bernhart /
Frewlein Dorothea Maria / Herrn Augusto /
Herrn Rudolpho / Herrn Johans Ernst / Herrn
Ludwig / Frewlein Sabina / vnd Frewlein Anna
Sophia / Gebornen Fürsten vnd Fürstin zu Anhalt /
Grauen vnd Greuin zu Ascanien / Herrn / Frawen / vnd
Frewlein zu Zerbst / vnd Bernburg / etc. vnsern freund-
lichen herglichen Söhnen / Töchtern /
vnd Gefattern.

Vnsrer Mütterliche frewher-
tzigkeit / mit andechtigem
gebet / Christlicher fürsor-
ge / vnd was sonstens liebs
vnd guts wir vermügen zuuorn /
Hochgeborne Fürsten vnd Fürstin /
freundt-

freundliche hergliche Söhne / Töch-
tere / vnd Gefattern / Was in vnserm
hohen betrübnis / so vns Gott / aus
hochweisem Rath / vnd wolmeinen-
dem herzen / zugefügt / mit dem tödt-
lichen abgang / weylandt des hochge-
bornen Fürsten / Herrn Joachim Ernst /
Fürsten zu Anhalt / etc. vnser herg-
lieben Herrn / vnd E. L. herglichen
Herrn Vaters / hochlößlicher gedecht-
nis / bisshero / durch Gottes seggen /
getröstet / Darüber wir (wiewol nicht
ohne schweren kampf) seinem Gött-
lichen / vnsern willen in gehorsam vn-
tergeben haben / Ist E. L. vnuerbor-
gen / Nemlich / das wir aus Gottes
Wort versichert / Ob wir wol hie mit
schmerzen vns haben scheiden müs-
sen / das vns doch Gott durch Chri-
stum / wieder im ewigen leben zusam-
men

men bringen / vnd nach absönderung
aller vnfauberkeit vnd hindernisse /
die allhier angefangene lieb vnd trew
vernewern / völiglich ersetzen / vnd
ewiglich vnuerrückt in vns erhalten
werde. In sonderheit / das vns wol
bewust / wie S. L. in irem leben Gott
für augen gehabt / sein Wort gelie-
bet / vnd zeit ihrer regierung ge-
schützet / desselben fortpflanzung ge-
fördert / vnd darbey bis ans ende be-
stendiglich beharret / Vnd demnach
in warem erkentnis vnd anruffung
vnser einigen mitlers Jesu Christi /
dis ir zeitlichs leben beschlossē habē /
dz recht S. L. tod derselbē schlaff wor-
den ist / Vnd wir numehr gewis sind /
Sr. L. Seel ist in Gottes hand / da sie
keine qual anrüret.

Wie denn E. L. zum theil damals

X iij gegen-

gegenwertig / sich freundlich zuerin-
nern / das wir / in dem grossen schmer-
ken vnd betrubnis / diesen trost vnser
herzen an den tag gegeben / Sr. L. hette
ire sele Christo vorlengst / vnd damals
auch / befohlen / vnd hetten eitel gute ge-
dancken / darinnen sie seliglich abge-
schieden / gehabt.

Wann den / beneben Sr. L. ganzem
leben vnd vorhalten / aus derselben ei-
gener hand / darmit sie ire gotselige ge-
bet vñ Christliche gedicht oder *Poëmat* a
verzeichnet / derselben ruhmwürdige
gottseligkeit / Christliche andacht / vnd
veterliche fürsorge für vns alle / so wol
die ganze Landschaft / vnd alle Br-
terthanē / sonderlich wol zuuernemē /
haben wir / durch herzliche trew / aus
Sr. L. eigener händschafft / solch Sr. L.
werck /

werck/durch den druck E. L. zum new-
en jhar mittheilen wollen / Auff das
beides hierdurch obgemelter trost / in
onserer aller hertzen / desto mehr ge-
stercket werde / vnd zuneme / vnd denn
E. L. sampt vnd sonderlich / solch lob-
lich exempel ires Herrn Vatern / stets
für augen haben / in Er. L. löbliche
fustapffen treten / vnd ebnermassen
in aller gottseligkeit vnd ernstem ge-
bet sich oben mögen. Denn so der hei-
lige Paulus seinen Timotheum er-
innert / des vngeserbten glaubens sei-
ner Grossmutter Loide / vnd seiner
Mutter Eunice / vnd hierdurch ihn
ermanet / die gabe Gottes / die in ihm
ist / zuerwecken / zweiffeln wir nicht /
es gebüre vns auch / E. L. nicht allei-
ne derselben Herrn Elter Vatern /
Herrn Johansen / vñ Herrn Bettern /
Herrn

Herrn Georgen/vñ Herrn Joachim/
gebrüdern / Fürsten zu Anhalt / etc.
sondern auch Herrn Batern seligen /
vngeserbten glaubens / so in jnen ge-
wohnet / zuerinnern: mit freundlich-
er vermanung / E. L. wollen / durch
fleissige betrachtung solcher ihrer se-
ligen Vorfahren exempel / die gabe
Gottes / die in ihnen ist / erwecken.

Bitten demnach freundlich / E. L.
wollen solches / wie es von vns trew-
lich gemeinet / freundlich vermercken /
vnd deme allen also folge leisten. Dz
wird E. L. hie zeitlich vñ dort ewiglich
zu allem guten gereichen / Weil die
Gottseligkeit zu allen dingen nütz ist /
vnd die verheissung hat / dieses vnd
dess zukünfftigen lebens. Vnd thun
hiemit E. L. sampt vñd sonderlich
GOTT dem allmechtigen zu gnaden
befehlen.

befehlen. Datum Dessaw/ am heil-
gen newen ihars tage / des 1587.
ihares / nach Christi Geburt.

E. L.

Aller getrewe Mutter/
biss in todt/

Eleonora/ Fürstin zu An-
halt/ etc. Witwe.



Ein

Ein Register / da-
rinnen / was in diesem Büchlein be-
griffen / vnd auff welchem blat es zu fin-
den / verzeichnet ist.

I. Das teglich gebet / vnd vbung im Catechis-
mo. Darunter begriffen sind /

Erstlich die vorrede oder eingang des gebets.
pag. 1.

Zum andern / meldung der stück des Catechismi /
die der hochlöbliche Fürst teglich zu widerho-
len gepflegt hat / pag. 3.

Zum dritten / abent vnd morgen seggen. pag. 3.

Zum vierden / ein schön gebet vmb regierung des
heiligen Geistes / behütung für allen Sün-
den vnd vnfall / vnd glücklichen fortgang sei-
nes beruffs. pag. 6.

II. Zwen gebet im betrübten Witwen stande.

Das erste Sr. F. G. person betreffende. pag. 7.

Das ander Sr. F. G. Fürstliche jugent anlan-
gende. pag. 9.

Etliche

Register.

III. Etliche gemeine gebet.

Das erste / für das ganze Frauenzimmer. pag. 10.

Das ander / für die Kechte / Hoffgesinde / vnd alle Diener. pag. 11.

Das dritte / für alle Vnterthanen. pag. 11.

Das vierde / für Sr. F. G. Herrn Bruder / Fürst Bernharten zu Anhalt / etc. vnd Sr. F. G. Gemahl / etc. so wol glückliche regierung. pag. 12.

Das fünffte / für alle Freunde vnd Verwandten. pag. 13.

Das sechste / für alle geengste vnd betrübte herten / vnd die vmb Gottes Worts willen verfolgt werden / mit angehengter gleubigen Beichte. pag. 13.

Das siebende / für obliegende sachen / die ganze Herrschafft betreffende. pag. 14.

IIII. Ein schönes gebet / darinnen gebeten wird / wegnemung oder linderung der straffen / durch die Himmels Zeichen gedreuet / Fromme getreue reine Prediger / Hertzliche lust das Wort zu hören / glaub / vnd be-

(:) ij stendig

Register.

- stendigkeit / vnd ein seliges ende. pag. 15.
- V. Zwen ernste gebet / nach Fürst Bernharts
(seligen) todte. pag. 16.
- Das erste / vmb glückselige regierung. pag. 17.
- Das ander / vmb trost der hinderlassenen Fürst-
lichen Wittwen. pag. 18.
- VI. Drey gebet / nach dem S. J. G. sich an-
derweit in Ehestand begeben.
- Das erste / vmb eine glückselige Ehe / heilsame
aufferziehung der Fürstlichen jugend / vnd
seliges ende. pag. 19.
- Das ander / vmb die fröliche heimführung / vnd
behütung vor allem schaden. pag. 22.
- Das dritte / vmb Christliches leben / auffenzie-
hung der J. jugent / Rechte vnd heilsame re-
gierung / getrewe Reth vnd Amptleute / ge-
trewe Nachbarn vnd Freunde / Erhaltung
des reinen Worts / etc. Behütung für Ket-
ern vnd falschen Lerern / vnd bewarung des
bescherten Ehesegens. pag. 23.
- VII. Ein schön deutsch Garmen / aus dem 51.
Psalm genommen pag. 26.
- VIII. Ein hertzliche dancksagung für alle wol-
thaten Christi. pag. 27.
- IX. Ein gebet vmb glückselige Ehe. pag. 29.
- X. Deutsche Paraphrasis des gebets: Bene-

Register.

dictio tua super nos semper. pag. 30.

XI. Ein ernstes gebet vmb die gabe des heiligen Geistes / wider allerley schrecken / sonderslich am letzten ende. pag. 31.

XII. Ein Christliche dancksagung für die Offenbarung göttlichen Worts / vñ gebet nach ordnung der drey Hauptartickel vñsers Christlichen glaubens. pag. 32.

XIII. Ein gebet / da S. J. G. ire elteste Tochter / J. Anna Maria / ehelich versprochen / welches auch summarien weis in kurze Reim verfasset ist. pag. 34. 36.

XIII. Dancksagung für den lieben Ehesegen / vñ gebet vmb einen frölichē anblick. pag. 36.

XV. Dancksagung für einen frölichen anblick. pag. 37.

XVI. Christliche betrachtung seines Geburtstages / Kennweis. pag. 40.

XVII. Ein andechtiges gebet in grosser noth / sampt desselben sum̄ in einem kurzen Reim. pag. 42. 43.

XVIII. Eine dancksagung / nach dem Er. J. G. elteste Tochter ist ausgestattet worden. pag. 43.

XIX. Zwoy gebet eines engstigen busfertigen hertzens. pag. 44. 47.

(:) iij

Etliche

Register.

- XX. Etliche Reime / darmit der selige Fürst
sein hertz zu frieden gesprochen / als ihm seine
erste Gemahl mit todt abgangen. pag. 49.
- XXI. Fürst Bernharts zu Anhalt / etc. Reime /
Er. F. G. Herrn Brudern / Fürst Jo-
achim Erusten / zum trost in seinem Wittwen-
stande gemacht / welche der verstorbenen Für-
stin namen mit den Versalbuchstaben fas-
sen. pag. 56.
- XXII. Ein gebet Reimweise im Wittwenstan-
de / fassen die Versalbuchstaben denselben
namen. pag. 57.
- XXIII. Ein Trost Reimweise / in der Person
der verstorbenen Fürstin / deren namen die
Versalbuchstaben melden. pag. 59.
- XXIII. Eine wehflag vnd gebet / ob dem
tödlichen abgang Er. F. G. Gemahl / zeigen
die Versalbuchstaben Er. F. G. namen /
etc. pag. 60.
- XXV. Ein Lied inn demselben betrübnis ge-
macht / mit 8. versen. Im Thon / Mag ich
vnglück / etc. pag. 61.

Historia

Register.

- XXVI. Historia des seligen abschieds Fräw-
en Agnes / Fürstin zu Anhalt/etc. Reimwei-
se. pag. 64.
- XXVII. Ein Christlich Gespräch / Fürst Jo-
achim Ernst zu Anhalt / etc. mit Sr. F. G.
verstorbenen Gemahl/in welchem die Ver-
salbuchstaben / beider Personen namen
fassen/ Reimweise. pag. 68.
- XXVIII. Christliche gedanken von der freu-
de vnd fürhaben der Seligen im ewigen le-
ben/auch Reimweise. pag. 71.
- XXIX. Klaglied nach absterben Fräwē Agnes/
Fürstin zu Anhalt / etc. gemacht / Im Rhon
des Hymni Prudentij : Iam mœsta quiesce
querela. Hat 23. Verss. pag. 82.
- XXX. Gebet omb ein frommes Christliches
vnd tugentliches Gemahl. pag. 87.
- XXXI. Gebet für das Berckwerck. pag. 89.
- XXXII. Gebet des inhalts/ Vt numero XXX.
pag. 90.
- XXXIII. Formular des gemeinen gebets für
die Obrigkeit. pag. 92.

Ein

Register.

XXXIII. Ein gleybiges gebet / Reimweise.
pag. 94.

XXXV. Ein gebet/einerley inhalts mit dem
numero XXX vnd XXXII. pag. 95.

XXXVI. Etliche schöne Reime / darinnen an-
gezeigt:

Zum ersten / das es am besten sey / allein auff
Gott sich verlassen. pag. 97.

Zum andern / eine nödtige Regel in diesem leben.
pag. 98.

Zum dritten / ein encomium der einigkeit im
Ehestand. pag. 99.

Zum vierden / ein bussfertiges gebet vmb ver-
gebung der Sünden. pag. 100.

XXXVII. Der hundert vnd achtzehende
Psalm / Reimweise vertürt. pag. 101.

XXXVIII. Verzeichnis etlicher schönen
Sprüche aus den Psalmen. pag. 109.

XXXIX. Verzeichnis etlicher Historien vnd
Predigten heiliger Schrift / welche die Re-
genten ihres Ampts erinnern / vnd betrach-
tet werden sollen / wenn man sol wider den
Feind ziehen. pag. 119.

XL. Die Sterbekunst. pag. 124. FINIS.

Im Namen der
Heiligen unzertrenlichen Drey-
faltigkeit / Amen.

Das tegliche Gebet / so ich zu meinem
lieben Gott / Abends vnd Morgens / meiner
elenden armen Andacht nach / mit herlichen
seuffzen vnd hoffentlicher erhörun-
ge spreche.

Prosp.

Gott hat niemals einen verlassen /
Er habe ihn denn zuvor verlassen.

Abacuc am 4.

Wenn Trübsal da ist / so denckestu
der Barmherzigkeit.

1. Samuel. 2.

Glorificantes me glorificabo.

A

Das

I.

Das walt Gott Vater / Gott Son /
Gott Heiliger Geist / Amen.

Melmechtiger / Ewiger / Himli-
scher Vater / Ich armer Sünder bit-
te dich / durch Ihesum Christum / dei-
nen lieben Sohn / das du mein Herz durch
deinen Heiligen Geist erleuchten vnd regieren
woltest / Das ich dich / meinen Gott vnd
Schöpffer / für alle empfangene Wohlthaten /
die du mir von iugend auff / die zeit meines le-
bens / bisz auff diese stunde ganz Väterlichen
vnd Gnediglichen erzeiget vnd bewiesen hast /
von ganzem Herzen loben vnd dancken müge :
Auch das ich / mit reuhigem herzen / vmb herzli-
che verzeihunge meiner Sünden / mit außge-
schüttē herzen / dich meinen einigen Gott / Auch
vmb zeitlichen Segen vnd Gedenen bitten vnd
anruffen müge. Darauff du auch / deiner Väter-
lichen Barmherzigkeit nach / mich mit gne-
digen / Augen ansehen / vnd vmb deines lieben
Sohns / vnseris Herrn vnd Erlösers Ihesu
Christi / Welcher der einige Mittler zwischen
mir

3
mir vnd dir ist / gantz Gnediglichen erhören/
Mir auch darauff alles / was mir an Leib vnd
Seele seliglich vnd gut / gantz Gnediglichen
verleihen vnd geben wollest / Amen/ Amen /
Amen.

Darauff das Vater vnser.

Hierauff den Glauben.

Folgen die Zehen Gebot.

Darnach das Sacrament des Al-
tars / Vnd die Wort der Heiligen
Tauf.

Darauff sage ich :

Almechtiger / Ewiger / Barmher-
ziger Gott / Ich dancke dir durch Ihesum
Christum / deinen lieben Sohn / Das du
mich heute diesen tag / sampt alle den meinē / für
allem vnglück Leibes vnd der seelen / gantz Vä-
terlich behütet vnd bewahret hast / Auch für alle
andere vnzehliche Wolthaten / die du mir an leib
vnd Seele / von jugend auff / bisz auff diese stun-

A ij

de/

de/gantz gnediglichen erzeigt vnd betwiesen hast.
 In sonderheit aber/du gnediger Barmherziger
 Gott / dancke ich dir / das du mich zu einem ver-
 nünfftigen Menschen geschaffen hast / vnd hast
 mir Leib vñ Seele / Augen / Ohren / Vernunfft /
 vnd alle Sinne gegeben. Auch für allen dingen/
 dancke ich dir / mein getreuer Gott / das du mich
 deinen lieben Sohn Ihesum Christum hast ler-
 nen erkennen / bey welchem erkentnis du mich
 auch gnediglichen erhalten wollest. Vnd dancke
 dir / du lieber Herr Ihesu Christe / das du dich
 so tieff gedemütiget hast / bist omb vnser Sünde
 willen Mensch worden / vnd hast vnser armes
 Fleisch vnd Blut an dich genommen / Dir sey
 ewig Lob / Ehr / vnd danck / für dein heilig Ge-
 burt / Beschneidunge / für dein heilig bitter Lei-
 den vnd Sterben / von wegen deiner heiligen vñ
 frölichen Auferstehunge vnd Himelfart. Vnd
 bitte dich / du getreuer Gott / das du mir alle mei-
 ne Sünde / so ich von jugend auff / bisz auff diese
 stunde / auch die zeit meines Lebens / begangen
 habe / omb Ihesu Christi / deines Sohns willen /
 gantz gnediglichen durch deine Barmherzigkeit
 verzeihen vnd vergeben woltest. Vnd ob ich wol
 leider mit meinen grossen Sünden deinen Gött-
 lichen

Slichen zorn auff mich geheufft / vnd die ewige
verdammis damit verdienet : So befihlet mir
doch dein Wort / dz ich an deiner barmhertzigkeit
nicht verzagen sol. So wil auch an derselbigen
deiner grossen Barmhertzigkeit ich nicht zweif-
feln / vndd weis gewis / du wirst die heilige Ge-
burt / das heilig bitter Leiden vnd Sterben / die
heilige vndd fröliche Auferstehunge vnd Him-
melfart deines lieben Sohns / meines Erlösers
vnd Seligmachers / vnser^s HERN Jesu Chri-
sti / an mir armen Menschen (welchen du auch
aus Staub vnd Aschen geschaffen) nicht lassen
verloren sein / sondern vmb des willen / mir als
deiner Hende Werck / meine Sünde verzeihen
vnd vergeben / Vnd meine Sünde mit dem blu-
te des unbefleckten Lemleins deines Sons ab-
waschen vnd reinigen / Auch mit deinen heiligen
Zittichen zudecken / damit sie / zu verderb vnd
nachtheil meiner armen Seelen heil vndd selig-
keit / nimmermehr mügen gedacht werden. Vñ
bitte dich / du getrewer Gott / du wollest mir dei-
nen heiligen Geist / in mein hertz senden / der von
dir vnd dem Sohn ausgehet / Der mich regie-
re vnd führe in aller warheit / vnd meinen glau-
ben stercke.

A 3

Ach

Ach Gott Schöpffer Heiliger Geist / kome
 vnd entzünde in mir das Feuer deiner Göttli-
 chen liebe / Vnd erhalte mich auff rechter Ban /
 vnd füre mich aus diesem elenden Leben zu der
 Ewigen freude / vnd sey mein Gleitsman /
 Amen.

Du Getrewer / Barmherziger
 Gott / Ich bitte dich auch von Herzen /
 das du mit deiner Göttlichen Gnade / vñ
 deinem Geist / die zeit meines Lebens / bey mir
 sein woltest / mich regieren / leiten / vnd führen /
 damit ich in deiner furcht / sicher vor Sünden /
 vnd allem vnfall Leibes vnd der Seelen / mein
 Leben seliglichen zubringen müge. Wollest mich
 auch hinforder / die zeit meines Lebens / von die-
 ser stund an / ganz Väterlichen behüten / für al-
 len Sünden / Vnd mein Hertz durch deinen hei-
 ligen Geist allein dahin wenden vnd richten / dz
 ich ja nimmermehr von dir meinem Gott / Vnd
 deinem Göttlichen willen abweiche / Sondern
 verleihe mir / durch deinen Geist / Weisheit vnd
 Verstand / Das ich in meinem Beruff vnd
 Ampt in aller Gottseligkeit also leben vnd regie-
 ren mag / das es allein zu deinen Göttlichen eh-
 ren /

7
ren/ meinem Nechsten zu nutz vnd frommen/ mir
vnd den meinen zu Wolfart an Leib vnd Seele
gerreiche. Amen/ Amen/ Amen.

II.

Ich dem du auch/ du getrew-
er / Barmherziger Gott/ mir mein
Herzliebste/ Christliches/ vñ from-
mes Gemahl gegeben / Vns auch
bisz in das zehende Jahr/ in rechter warer trew/
liche/ vnd einigkeit erhalten / Vns auch so reich-
lich mit Leibes fruchten gesegnet / dafür dir in
ewigkeit Lob / Ehr/ vñnd Danck gesaget / vnd
es aber dir Allmechtigen gnedigen Gott / also
gefallen/ Das du mein seliges herzliebste Ge-
mahl/ von mir zu dir/ so gar seliglich/ sanfft vnd
Christlich/ in die ewige freude / die ihr vnd vns
allen/ dein geliebter Son / vnser Herr Ihesus
Christus/ darauff sie sich auch allein verlassen/
erworben/ gefordert vnd geführet hast/ Dafür
dir auch lob/ehr/ vñnd danck gesaget: Ich aber
gleichwol/ als jr hinderlassener Ehegatt/ von we-
gen der herzlichlichen liebe/ so du in vns/ die zeit vn-
ser Ehelichen beywonunge gepflanzet/ vber sol-
chen

8

chen fall hie zeitlich von Herzen betrübet / Ich
mich auch / ohn deine Göttliche gnedige hülffe / in
solch gros creutz nicht zurichten / noch zuschieken
weis: So bitte ich dich / mein getrewer Gott vnd
Himlischer Vater / durch Jesum Christum deinē
lieben Son / weil es dein gnediger Wille / vnd dir
also gefallen / Das wir hie zeitlich nicht lenger
bey einander habē Ehelich sein sollē / Vñ du mich
in diesem Widtwenstand habē wilst / Du wollest
mich mit gnedigen Augen deiner Barmherzig-
keit ansehen / mein Herz regieren / leiten / vnd fü-
ren / damit ich mich in deinen gnedigen willen
schieken lerne / Vnd ja nicht mit vngedult wider
dich murre: Sondern mir ja mit deinē Geist vñ
bestendigen trost / ganz gnediglich zu hülffe ko-
men. Vnd die weil du getrewer Gott weist / das
ich von mir selber nichts kan oder vermag / So
befehl ich mich allein in deinen Göttlichen barm-
herzigen willen. **HEXXE** verleihe Gnade / dz
ich mein Leben mit reinem / keuschen Herzen /
Christlich vnd seliglichen in deiner Furcht an-
stellen vnd vollenden müge / vnd lasz mich nim-
mermehr aus deinen Henden gerissen werden /
Amen.

Auch

Ach du getrewer Gott / Du wol-
 lest mir auch Geist vnd krafft geben / damit
 ich durch deine Gnade die Hertzlieben hin-
 derlassene Kinderlein / so von deinem segen al-
 lein herkommen / Zu deiner furcht / zu aller Gott-
 seligkeit / Tugend / vnd Erbarkeit erziehen möge.
 Vnd behüte sie ja für aller ergernis. In sonder-
 heit / du ewiger / gnediger / vnd barmhertziger
 Gott / lasz dir ja die lieben beiden Sönlein be-
 fohlen sein. Vnd dir sey ewig danck gesagt / das
 du mir sie gegeben hast. Vnd hilff ja / du getrew-
 er Gott / das sie in deiner furcht mügen wach-
 sen vnd zunemen / rechte Liebhaber deines wor-
 tes mügen werden. Vnd erhalte sie ja bey der
 reinen vnd vnuerfelschten Lehre deines selig-
 machenden Worts / vnd mache ja aus inen fro-
 me / Christliche / vnd vernünfftige Regenten / das
 sie ihre Vnterthanen mit Vernunfft regieren
 mügen. Ach H E R R E / erhalte sie zu deinen
 ehren / Vnd leite sie auff richtiger ban / lasz sie
 ja nimmermehr aus deinē hendē gerissen werden.
 Denn es sind deine Kinder / von dir allein hab
 ich sie / du hast sie mir gegeben. Derhalben gebe
 ich dir sie wider. Ach H E R R E / ich dancke dir
 für alle erzeigte Wolthat / an Leib vnd Seele /

B

vnd

vñ kan dir nimmermehr gnugsam dafür dancke:
 Du hast mich wunderbar von jugend auff er-
 halten. Lasz dir ja auch mein herzliche Töch-
 terlein befohlen sein/ vnd verleihe mir weisheit
 vnd verstand / sie mit vernunft zuziehen / zu
 deinem Göttlichen Lob vnd preis/ vnd hilff/ das
 sie mir/ vnd iren Christlichen Hoffmeisterin/ mit
 Kindlichem Herzen vnd gehorsam / folgen mü-
 gen / Vnd behüte sie für vnzüchtigen Herzen /
 vnd verleihe inen die reine keuscheit / daran du
 gefallen hast/ vnd behüte sie für allem/ was dir
 miszfelt. Dir allein befehl ich sie ganz vnd gar/
 Verleihe vnd gib auch/ du getreuer Gott/ ge-
 trewe Christliche Diener vnd Dienerin/ die ih-
 rer in deiner furcht getrewlich warten vnd pfe-
 gen mügen/ Amen.

III.

Ach lasz dir mein ganzes
 Frauenzimmer befohlen sein/ erhal-
 te sie in deiner furcht/ behüte sie für
 allem Vnglücke Leibes vnd der
 Seelen. Vnd verleihe ihnen einigkeit/ reine vnd
 Christliche Herzen / Amen.

Lasz dir

L Als dir auch meine getrewe Re-
 hte / gankes Hoffgesinde / vnd alle meine
 Diener befohlen sein / Verleihe deine gött-
 liche gnade / das ein jeder in seinem befohlenem
 Ampt vnd Beruff / mit racht vnd that / mir trew-
 lich vorstehen / dienen vnd rathen müge / vnd ja
 nicht mit vntrewe / nachlesigkeit / vnd zeitlicher
 gefelschafft / mich in weiter beschwerunge brin-
 ge / sondern das es allein nach deinem willen
 durchaus in allen Emptern / in deinem reichen
 segen / Christlich / glücklich / vnd trewlich von
 stadt gehe / vnd wir deines reichen segens / mit
 dancksagung / in dieser zeitlichen unterhaltun-
 ge / theilhaftig werden mügen / Amen.

L Als dir auch meine getrewe Un-
 terthanen alle semplichen befohlen sein /
 an Leib vnd Seele / vnd verleihe ihnen ja
 ein getrewes vntertheniges Herze gegen mir /
 Vnd mir widerumb ein veterlichs gnediges
 Herze gegen ihnen / vnd erstatte ihnen diese scha-
 kungen hundertfeltig wider / vnd hilff / das sie es
 an ihrer Nahrung nicht vermissen. Vnd hilff /
 du getrewer Gott / mir aus meiner grossen be-
 schwerunge / Vnd dz der lieben Armut schweis

ja wol vnd rechtschaffen angelegt möge werden.
 Ach H E X X E / du allein must segnen / sonst ist
 es vmb sonst / doch dz es alles zu deinen Ehren
 gereiche / Amen / Amen / Amen.

Ach in sonderheit / du getrewer
 Gott / Lasz dir meinen hertzlichen Bru-
 der / sampt seiner Gemahl / gantz Väterli-
 chen befohlen sein / Erhalte sie in guter gesund-
 heit / hertzlicher liebe vnd einigkeit / Wollest sie
 auch / vmb deines geliebten Sohns / Jesu Chri-
 sti willen / mit Leibes fruchten widerumb reich-
 lich erfreuen / vnd meinen hertzlichen Bruder /
 mir vnd der gantzen Landschaft zum besten /
 noch lang erhalten vñ fristen. Wollest vns auch
 in rechter Brüderlicher liebe vnd trew erhalten /
 vns auch zu vnser Regierung durch deinen
 heiligen Geist Weisheit vnd Verstand verleih-
 en / Damit wir vns ja für allen dingen dein ho-
 hes / thewres / vñ seligmachendes Wort von her-
 zen lassen angelegen sein / Negst dem / vnser Un-
 terthanen / mit Weisheit vnd Verstand / Christ-
 lich regieren mögen / das es allein zu deinem lob
 vnd ehren / Vns / den vnsern / vnd Unterthanen
 zu Wolfart an Leib vnd Seele gereichen möge.
 Vnd

Vnd nime ja deinen Heiligen Geist vnd Göttlichen segen nicht von vns / sondern wende dich nach deiner grossen Barmherzigkeit widerumb zu vns / vnd lass vns dir alle in deine trewe Väterliche hende befohlen sein / Amen / Amen / Amen.

Lass dir auch / du getrewer Gott / alle meine Freunde vnd Verwandten in deine Väterliche hende befohlen sein / behüte sie an Leib vnd Seele / vnd für allem Vnglück / Amen.

Auch lass dir / du getrewer Gott / alle geengste vnd betrübte Christen / die vmb dein Heiliges Wort verfolget werden / befohlen sein / Erhalte sie in der gedult / vnd beständigkeit ihres Glaubens. Wollest auch allen Tyrannen vnd Verfolgern deines Worts gnediglichen stewart vnd wehren / Vnd vns für ihrer Tyrannen ganz Väterlichen behüten vnd bewahren. Auch Barmherziger Vater / lass dir ja die beschwerliche / betrübte Sache / in deine Barmherzigkeit mit seufftzen befohlen sein. Verleihe ja rechtschaffen erkentnis vnd
 B iij reuhe /

reue / vnd das man sich ja zu jederzeit für sol-
 chen vnd dergleichen Sünden hüten möge /
 Vnd dich vnsern H E R R N vnd Gott / nicht
 zu weiterm zorn vnd straffe / wie wir ohne das
 leider verdienet / vnd noch teglich verdienen /
 verursachen. Du aber / mein Gott / bist gnedig /
 gedültig / vnd von grosser güte / vnd trewe /
 Derhalben du ja in deinem gerechten zorn /
 nach deiner Barmherzigkeit mit vns handeln
 woltest. Amen / Amen / Amen.

Als dir auch / mein getreuer
 Gott / vnser obliegende sachen gantz Be-
 terlichen befohlen sein / Vnd die weil du al-
 lein der Brun aller Weisheit / So wollest du
 auch durch deine gnade / Weisheit vnd Ver-
 stand verleihen / Das dieselbigen sachen auch
 einstmals / dieser vnser Herrschafft zum besten /
 zu einem guten / schiedlichen / vnd friedlichen we-
 ge möchten geörttert werden / Doch so fern es
 zu deinen Göttlichen ehren gereicht / Welches
 du Allmechtiger Gott am besten weisst. Der-
 halben du es auch / hertzliebster Vater / nach dei-
 nem Barmherzigen vnd aller besten Willen /
 schicken woltest / Amen.

Nach

Nach dem auch / du getreuer
 Gott / wir teglich viel Zeichen am
 Himmel sehen / darmit du vns / als ein
 frommer Vater / die Kute weifest / So bitte ich
 dich / als dein liebes Kindt / welches nicht mehr
 kan / als in die Kuten greiffen / du wollest nicht
 ansehen vnser Sünde / sondern allein deinen lie-
 ben Sohn Ihesum Christum / vnd woltest nicht
 mit vns ins Gericht gehen / Denn vor dir ist
 kein Lebendiger gerecht / Nim ja das liebe Wort
 vmb vnser Vndanckbarkeit willen nicht von
 vns / sondern erhalte vns bey demselbigen biss
 an der Welt ende. Verleihe auch vns in vnser
 Herrschafft / vnd in der ganken Christenheit
 frome / getreue / reine Prediger vnd Seelsor-
 ger / die vns auff's einfeltigste / ohn alle Mensch-
 liche affection / Dein thewres seligmachendes
 Wort / sein lauter vnd rein fürtragen. Vnd
 gib ihnen ja allen vnter sich wiederumb deinen
 frieden / vnd rechte Brüderliche einigkeit. Ver-
 leihe auch / dz wir nicht müde / noch oberdrüssig
 werden / dasselbige zu hören / Sondern verlei-
 he deinen Heiligen Geist / Das wir es mit rech-
 tem

tem lust / nicht allein hören / sondern den rechten
 Glauben / an deinen lieben Sohn Jesum Chri-
 stum / vnsern Erlöser vnd Seligmacher / dar-
 durch erlangen / Vnd dich vnsern Schöpffer
 allein / Vber alles von ganzer Seelen / Her-
 zen / vnd Kresten / vnd allem vermügen / fürch-
 ten / lieben / vnd dir vertrauen / Auch dabey im
 rechten Glauben bestendiglichen bis an vnser
 ende verharren mügen: Da du mir denn / All-
 mechtiger / Barmherziger Gott / Wenn mein
 Sterbstündlein kömpt / ein seliges ende gnedig-
 lichen verleihen vnd bescheren woltest / mich
 auch im rechten / festen / beständigem Glauben er-
 halten / Dir auch meine Seele in deine Göttli-
 che Hende ganz Väterlichen woltest lassen be-
 fohlen sein / Mir auch durch deine Allmechtig-
 keit vnd Barmherzigkeit des Todtes angst
 helfen vberwinden / Vnd mich fürs Teuffels
 anfechtungen / vnd allem bösen / gnediglichen
 behüten vnd erlösen / Vnd lass mich ja auff sol-
 chem Glauben in fried vnd frewd einschlassen /
 Amen. Ach du Heilige Drenfaltigkeit / Dir
 ergebe ich mich ganz vnd gar / In dir lebe vnd
 sterbe ich / Dein bin ich / Lass mich ja nimmer-
 mehr aus deinen Henden gerissen werden / A-
 men / Amen / Amen.

Soli

Doch du getrewer / Barmherziger Gott / Nach dem ich nuhmehr / durch deinen unwandelbaren / vnd doch seligmachenden willen / Meinen hertzlieben vnd einigen Bruder (welchen du seliglich / sanfft / vnd Christlichen / in warem Glauben zu dir gefordert) auch verloren / Vnd nuhmehr in dieser Welt keinen beständigen Freund / viel weniger Hülff / Trost / noch Rath weis: So schrey / vnd seufftze ich von Herzen allein zu dir: Denn ich weis / das in dir / vnd von dir die Hülffe / Rath / vnd Trost allein ist / vnd herflusst / Vnd du getrewer / vnd gnediger / barmherziger Gott am besten weis / Wie du Helffen / Richten / vnd Trösten solst. Darumb H E R R E / verleihe Gnade / Stercke / Weisheit / vnd Verstandt / Das ich die last der Regierung / nach deinem Götlichen willen vollbringen möge: Regier du in / vnd mit mir / mit deinem Geist / Denn du weisst aller Regenten Hertz / hast sie auch in deinen Henden. Derhalben

G

ben

ben du getrewer Gott / nimm ja deinen Heiligen
Geist vnd Segen nicht von mir / Sondern
bleib bey mir / vnd hilff mir den lauff dieses fur-
hen Lebens seliglichen vollbringen / in deiner
furcht mit gutem Gewissen / vnd das die liebe
Armut / Trost vnd Zuflucht an vnd zu mir ha-
ben möge. Wenn du nur H E R R E bey uns
bist / so hat es keine noth. Ach du getrewer Gott /
erhöre mein seuffzen / vnd sihe an mein Elendes
Hertz / vnd verlass mich nicht: Wie ich mich
denn allein von Herzen zu dir / meinem getrew-
en Gott / versehe / Vnd alle mein Zuversicht
allein auff dich setze. Ich weis / vnd glaube auch /
du wirst mich / vmb die grosse verdienst / deines
einigen / vnd allerliebsten Sohns / meines Er-
lösers vnd Seligmachers / gewiss erhören /
Amen.

Ach du getrewer Gott / Du wol-
lest dir auch meine betrübe Schwester /
die auch nun ihres liebsten Ehegenossen be-
raubet / befohlen lassen sein / H E R R E stercke
vnd tröste sie / durch dein gnade / vnd hilff ihr /
ihr gros Creutz mit gedult tragen. Verleihe
auch du getrewer Gott / das wir in allen vnsern
Sachen /

Sachen / in Lieb vnd Einigkeit / ohn allen Wi-
 derwillen / eintrechtiglichen mügen verglichen
 werden / Vnd lass vns dir alle in deine trewe
 Beterliche Hende befohlen sein / Amen / Amen /
 Amen.

VI.

Ach du getreuer / Barmherzi-
 ger Gott / Ich dancke dir von grund
 meines Hertzens / Das du mich bis
 hero / in meiner grossen Betrübniß
 ganz gnediglichen erhalten / Vnd durch dein
 Wort vnd Heiligen Geist / in mir rechte gedult
 vnd trost gewircket. Vnd nach dem / du getreuer
 Vater / es widerumb / durch deinen gnedigen
 barmherzigen willen / also geordnet / vnd ge-
 schicket / vnd mir widerumb ein frommes Ehe-
 gemahl zugeordnet / Darfür ich dir auch von
 grundt meines Hertzens dancke / So bitte ich
 dich / durch Ihesum Christum / deinen geliebten
 Sohn / Du wollest mit deiner gnad / vnd Barm-
 herzigkeit / Segen / vnd gedenken bey vns sein /
 Vnsere Hertzen in deiner furcht / mit herzlicher /
 vnd trewer liebe verbinden / Vnd das wir nach

Es

dir /

dir / vnd deinem Worte / nichts höhers / denn
 vns / vnd meine hertzliche jugendt / lieben mö-
 gen / vnd für allem Widerwillen vnd Vneinig-
 keit / vns gnediglich behüten / Damit wir die
 zeit vnser geringen Lebens / mit freuden / vnd
 gutem Gewissen / leben / Vnd dir in Ewigkeit
 dancken mügen. Ach du getrewer Gott / du
 bist alleine ein Stifter dieses deines wollgefel-
 ligen Wercks / Derhalben es auch zu deinen
 Ehren / Vnser zeitlichen vnd ewigen Wolfart /
 sol verbracht werden. Du kanst erfreuen vnd
 betrüben. Vnd weil du getrewer Gott / mich
 widerumb ergetzet vnd erfreuet: So erbarm
 dich auch meiner hertzlichen jugendt / so von dei-
 nem gnedigen Segen herkommen / Vnd hilff /
 dz sie auch mögen ergetzet / vnd in deiner furcht /
 zu aller Zucht vnd Tugenden erzogen werden.
 Vnd gib / vnd verleihe ferner deinen gnedigen se-
 gen / Welchen du ober vns allerseits reichlichen
 woltest walten lassen / Vnd in summa / an Leib
 vnd Seele vns gnediglich stercken vnd erhal-
 ten / vnd vns letztlich mit gutem Gewissen se-
 liglichen zu den Gleubigen / so in deiner Handt /
 vnd wir vorher geschickt / ruhen / mit freuden
 auffnemen / Vnd vns allen ein seliges ende be-
 scheren /

scheren / Vnd mit dir in Ewigkeit leben lassen /
 Solches verleihe vns vmb Ihesu Christi / dei-
 nes geliebten Sons willen / Welcher vns auch
 die Seligkeit bey dir erlanget. Dem sey auch
 Preis / Lob / Ehr / vnd Danck in Ewigkeit /
 Amen / Amen / Amen.



*Turturum Concondia. In me-
 moria eterna erit iustus.*

Benedictio domini super nos semper.

BE

*Beati mortui, qui in domi-
 no moriuntur.*

Ecce quam pulcra est casta generatio.



Almechtiger / Ewiger / Himli-
 scher Vater / Nach dem du durch dei-
 ne grosse Barmherzigkeit / es mit
 mir widerumb also geordnet vnnnd ge-
 schicket / Das ich nicht alleine diese Reise / mit
 Gesundtheit vnnnd glücke volbracht / Sondern
 auch / Das ich mein Hertzliche Jugendt (wel-
 che von deinem reichen gnedigen Segen her-
 kommen) in guter Gesundtheit / beneben meinen
 getrewen Kethen / vnnnd Dienern / gefunden /
 So dancke ich dir für solche grosse Gnad vnnnd
 Wolthat / von grund meines Hertzens : Vnd bit-
 te ferner / Du Getrewer G D E E wollest hin-
 forder die zeit meines ganken Lebens bey mir
 sein / Deinen gnedigen Segen / ober mich / mein
 hertzliche Gemahl / vnnnd liebe Jugendt / Auch
 ober der ganken Landtschafft reichlichen walten
 lassen. Vnnnd nach dem mir numehr mein hertz-
 liebe Gemahl an diesen Ort sol geführt vnnnd ge-
 bracht werden / so wollestu getrewer / gnediger
 Gott / sie allersits mit gesundtheit / vnd freuden
 anhero verhelffen / vnd vorgleiten / Auch zu die-
 ser Heimföhrunge deine gnade verleihen / damit
 es alles zu deinen Ehren / in deiner furcht / mit
 freuden /

freuden / vñnd guter ordnungē müge volbracht
 werden / vñnd wollest gnediglichen für Feuer /
 Zanck / Vneinigheit / Widerwillen / auch vñmüze
 verspiltunge / vñs behüten vñd bewahren / Auch
 Gnade verleihen / damit ich mit meiner hertzlic-
 ben Gemahl in deiner fürcht / in rechter / hertzli-
 cher lieb / vñd einigkeit / in guter gesundtheit lebē
 möge / Vñ vñs / vñsere hertzliche Jugend / vñd die
 ganze Landschaft / Auch die liebe Armut / mit
 höchstem fleis lassen befohlen / vñ angelegē sein /
 Vñ wollest vñs allerseits für allem vñglück Lei-
 bes vñ der Seelen ganz gnedigliche behüten vñ
 bewahren / Vñ vñs an leib vñ Seele reichlichen
 stercken / vñ erhalten / Solches verleihe vñs / vñd
 deines lieben Sons / vñsers HERRN vñd Heilan-
 des Jesu Christi willen / Amen / Amen / Amen.

Fiat voluntas tua Domine.

Ach du mein gnediger / Barmher-
 ziger / getreuer Gott / vñ Vater / dir ewigē
 Gott sey lob / preis / ehr / vñ danck / Das du
 so Väterlich mit mir vñdgangen / in Creutz vñd
 freuden bey mir gewesen / vñnd stets also ge-
 schickt / vñnd erinnert / damit man deiner nicht
 vergesse. Vñnd nach dem du getreuer Gott /
 auch

Auch diese Heimführung meiner hertzlichen
 Gemahl / welche du mir widerumb zugeordnet
 hast / glücklich / vnd frölich / in / vnd mit deinem
 gnedigen Segen / hast helfen / vnd lassen voll-
 bringen / Dafür ich dir in sonderheit hertzliche
 Dancksagung thue: Als bitte ich dich meinen
 H. E. R. R. vnd Gott / du wollest hinforder /
 deine Gnad vnd Barmhertzigkeit verleihen /
 das wir in deiner furcht / in rechter hertzlicher
 Liebe / vnd Trew / Gesundheit / vnd in deinem
 gnedigen Segen / die zeit vnser's Lebens selig-
 chen zubringen mögen: Vnser hertzliche jugend /
 So von deinem gnedigen Segen allein herkom-
 men / In deiner furcht / zu deinen Ehren / in al-
 ler Zucht / Tugenden / vnd Erbarkeit / erziehen
 mügen: Vnserer lieben Vnterthanen vns trew-
 lichen annemen / vnd jederman gleiche Iusticiam
 administrieren / Der lieben Armut nicht verges-
 sen / besondern derselbigen notdürfftige Handt-
 reichunge thun. Du getrewer E. S. T. wollest
 auch in der ganken Regierung bey mir sein /
 Rechte / getrewe / fromme / ehrliche / Christli-
 che / vnd weise Räche / auch Ampleute mir ge-
 ben / verleihen / vnd zuordnen / In allen sachen
 guten Rath geben / Auch getrewe Freunde vnd
 Nach-

Nachbarn mir geben / vnd erhalten. Vnd
 in sonderheit / du getrewer Gott / wollest du vns
 bey deinem Heiligen vnd allein Seligmachen-
 den Wort deines Heiligen Euangelij / ganz
 gnediglichen vnd bestendiglichen erhalten / Die
 Sacrament nach deinem Wort / vnd einsezun-
 ge / in diesen Landen / vnd in der ganzen Chri-
 stenheit / vnuerfelscht vns lassen / Allen Secten /
 Kotten / Schwärmern / vnd Ergernis / gnedig-
 lichen stören vnd wehren / vnd vns für bösen /
 vnrechten / stolze Lehrern behüten vñ bewahren.
 Auch lieber getrewer Gott / deinen gnedigen
 Segen / dem du nuhmehr einen lebendigen A-
 them gegeben / ganz Väterlich erhalten / meiner
 herzlichsten Gemahl Gesundheit vnd Stercke
 verleihen / vnd zu rechter gelegener Stunde
 vnd zeit mit gnaden / nach deiner Barmherzig-
 keit / mit freuden entbinden / vnd einen fröli-
 chen anblick Väterlichen verleihen / Vnd in son-
 derheit das liebe Kindelein / zum Sacrament
 der Heiligen Tauffe kommen lassen / Vnd es zu
 deinen Ehren erhalten vnd erziehen / Vnd in
 summa / vns in deiner Furcht segnen / stercken /
 vnd vermehren / vnd für allem Vnglück / Lei-
 bes vnd der Seelen / vns Väterlichen behüten /
 D vnd

vnd bewaren. Dir Ewigem GOTT sey für alle
 Wolthat/sampt deinem geliebten Sohn I E S U
 CHRISTO / vnd dem Heiligen Geist / Lob/
 Preis / Ehr/ vnd Danck in Ewigkeit / Amen/
 Amen/ Amen.

VII.

Ach GOTT/du trewer Hei-
 landt mein /
Schaffe in mir das Her-
 berein :

Deinē Geist HERR mir nicht entzeuch/
 Mit rechtem trost HERR mich erfreuh.
 Ich bin ja HERR dein Creatur/
 Du feston̄ weist mein schwach natur.
 Alles verderbt/hertz/muth/vnd sinn/
 Das ich ja Staub vnd Erden bin.
 On dein Genad ich nichts vermag /
 Ach HERR erhör/sich an mein Klag /
 Ich bit vnd fleh / nicht mehr beger /
 Mit

Mit deiner gnad dich zu mir kehre :
 Nach deinem willen mich regier /
 Stewr / wehr aller bösen begier.
 Ach HErr / mein Gott / verlas mich
 Erhör mit gnaden meine bitt : (nit/
 Gang vnd gar ich mich dir befehl/
 Mein weib / kind / ehr / land / leib / vnd
 Dis las dir HErr befolen sein / Seel/
 Vnd bleib der liebste Vater mein.
 Für allem vbel vns bewar /
 So seind wir sicher aller gefahr.
 Bleib ja bey vns / du trewer Gott /
 Vnd hilff vns HErr aus aller noth.
 Dir Heilige Dreyfaltigkeit /
 Sey Preis / Lob / Ehr in Ewigkeit /
 Amen. Amen. Amen.

VIII.

D Almechtiger / Ewiger / vnd Barm-
 hertziger Gott / vnd Vater / Ich sage dir
 D is von

von grund meines Herzens lob/pries/Ehr/ vnd
 Danck / das du aus grosser erbarmunge/Lieb/
 vnd Barmhertzigkeit / So du zu dem ganzen
 Menschlichen Geschlecht getragen / Deinen ei-
 nigen / allerliebsten Sohn / Welcher auch mit
 dir Ewiger / Allmechtiger Gott ist / hast las-
 sen Mensch werden/welcher für vnser Sünde /
 hat müssen gnug thun / vnd eines gewlichen
 erbarmlichen Todes sterben / Damit Er ein
 Sünopffer für vns würde / Letzlich vns durch
 den gehorsam versünct / den Todt durch seine
 Allmechtigkeit überwunden / vnd durch seine
 Herrliche/ Fröliche/ vnd Heilige Auferstehun-
 ge/ Vns auch von Sünden/ Todt/ Hell / vnd
 Ewiger Verdammnis erlöset. Ach was künd-
 te vns armen / eicenden Menschen grösser freu-
 de sein? Es auch in vnsern irdischen vermü-
 gen/noch Krefften nicht ist/ Dir Ewigem Gott
 für solche grosse vnaussprechliche Gnade vnd
 Barmhertzigkeit / im wenigsten zu danken:
 Derhalben du getrewer Gott / geuss ober vns
 deinen Heiligen Geist / der unsere Herzen er-
 leuchte vnd leite / Das wir solcher grossen gna-
 de nicht missbrauchen/ Sondern vns derselben
 von Herzen trösten / vnd freuen mögen / Er-
 wecke

wecke/vñ gemehr auch in vns vnsern Glauben/
 Das wir dadurch alles / was dir gefellet / er-
 langen / Vnd dadurch endlich Selig werden /
 Amen.

I X.

Ach du getrewer / Barmher-
 ziger GOTT / Nach dem du / nach
 deinem Götlichen willen / meine se-
 lige hertzliche Gemahl / von mir zu
 dir genommen / Vnd ich auch weis / das sie in
 deiner Handt ruhet / Als thue ich mit hertzlichen
 seuffzen / dir es alles befehlen / vnd heimstellen.
 Vnd weil es dir meinem GOTT also gefallen /
 muss ich durch deine gnade / wie schwer es auch
 dem armen Fleisch vñ Blut ankömpt / Dir hierin
 mit gedult still halten. Vñ dancke dir von grund
 meines Hertzens / das du mir sie geliehen / vnd
 vns biss zu deiner zeit / in rechter hertzlicher Lie-
 be / Treu / vnd Einigkeit erhalten / Auch das
 du vns so reichlich mit Leibes fruchten gesegnet
 hast. Solcher Wolthaten / gib ja H E R R / das
 mein Hertz nicht vergesse / sondern mit hertz-
 lichem seuffzen vnd Danckbarkeit / gegen dir /
 D iij meinem

meinem Gott/mich des teglichen erinnere. Vnd
 weil es denn / nach deinem Göttlichen willen /
 nuhmehr deine Allmacht also geordnet / Das
 du mir widerumb/an voriger meiner seligen Ge-
 mahl stadt/ auch dein Geschöpff / vnd ein from-
 mes/ Christliches Herz zugeordnet / Dafür ich
 dir in sonderheit hertzliche Dancksagung thue:
 Als bitte ich dich / Ewigen / Himlischen Vater/
 du wollest unsere Herzen in deiner furcht / mit
 hertzlicher / trewer Liebe verbinden / damit wir/
 nach dir/vnd deinem Wort/ nichts höhers/denn
 vns/ vnd vnser liebe jugend lieben mögen: Auch
 das wir in aller Gottseligkeit / vnd in deinem
 reichen Segen / welchen du ober vns wollest
 walten lassen/ leben/ Vnd die lieben Kinderlein/
 in deiner Furcht / vnd zu deinen Ehren / erzie-
 hen / Vns / vnser liebe Vnterthanen / In son-
 derheit das liebe Armut/laffen befohlen vnd an-
 gelegen sein / Amen / Amen / Amen.

X.

Benedictio tua super nos semper.

In

Vn deiner Furcht erhalt vns
H E R R /

Mit deiner Gnad dich zu
vns Lehr /

Behüt vns auch für allem Leidt /

Mit deinem Wort vns führ vñ weid /
Amen.

X I.

Mich Gott Vater / Sohn / vnd
Heiliger Geist / Du Ewige / Heilige /
vnzertrenliche Drenfaltigkeit / Wen-
de dich mit deiner Barmherzigkeit zu
deinem Knecht / vnd armen Geschöpff / verlei-
he mir deinen Heiligen Geist / der in mir wir-
cke / rechten Glauben / Liebe / vnd Erkentnis ge-
gen dir / Der mich füre / vñ leite in deiner furcht /
der mein Hertz reinige von allen Sünden / vnd
Er allein / aus mir armen Erdenkloss / seine
Wohnunge mache / Damit der zeitliche Todt /
Teuffel / Sünd / vnd Hell / nicht ober mich her-
schen / noch gewalt haben / sondern erweck durch
deinen

deinen freudigen Geist / das ich alles schrecken
 des Todes / vnd der Helle / mit deinem Trost / vñ
 vnerschrockenem Muth / überwinden möge.
 Ach Gott Heiliger Geist / du Ewiger Trö-
 ster / Vergiss an mir deines Ampts nicht / son-
 dern regier du mich / nach deiner Göttlichen art
 vnd Willen. Ich ergebe vñ vnterwerffe mich
 dir gantz vnd gar / Lass nicht von mir Heiliger
 Geist / Steur vñ wehre allem bösen willen /
 Vnd reinige mein Hertz / durch deine Göttliche
 Allmechtigkeit / vnd lass mich dir befohlen sein.
 Hilff mir auch in meinem letzten Stündlein /
 den rechten Streit mit rechtem trost / seliglichen
 überwinden / Vñ stehe mir in meinem letzten
 Athem bey / vnd erhalte meine Seele zum Ewi-
 gen Leben / vnd lobe deines Namens / Amen.

XII.

Du Heilige / Ewige / All-
 mechtige / Vnzertrenliche Dreyfal-
 tigkeit / Gott Vater / Gott Sohn /
 Gott Heiliger Geist / dir ewigen /
 vnzertrenlichen Maiestet / in dreyen vnterschie-
 denen Personē / sage ich armer / elender Mensch /
 dein

dein geringes Geschöpf / von grund meines
 Hertzens / Preis / Lob / Ehr / vnd Danck / das
 du dich durch dein Heiliges / vnd allein Selig-
 machendes Wort / vns offenbaret: Verleihe /
 durch dein Allmechtigkeit / das mein Vernunft
 dir möge still halten / Vnd dich Ewige Gottheit /
 recht möge erkennen / lieben / ehren / vnd gehor-
 samen. Vnd weil du Gott Vater / Schöpf-
 fer Himmels vnd der Erden bist / vnd durch dein
 Allmechtigkeit / Alles / was im Himmel vnd auff
 Erden / erschaffen / vnd teglich erheltest / Auch
 mich armes dein Geschöpf formirst / geschaf-
 fen / Auch mein Gott vnd Vater bist: So lass
 dir auch dein armes Geschöpf befohlen sein.
 Vnd du Gott Sohn / H E R R Ihesu Christ /
 der du für vns alle Mensch worden bist / erbarme
 dich über mich / vnd lass dein Heilig geburt / dein
 bitter Leiden vnd Sterben / dein Heilige / Herr-
 liche / vnd Fröliche Auferstehunge vnd Him-
 melfart / an mir nicht verloren sein: Sondern
 Gott Heiliger Geist / erwecke in mir rechte / in-
 brünstige liebe / vnd glauben / Das ich mich sol-
 cher grossen gnaden / von Herzen freuen / trö-
 sten / vnd theilhaftig machen köñ / Vnd reinige /
 du Heiliger Geist / mein Hertz / von allen Sün-
 den /

E

den /

den/ Vnd behüte mich / vnd die meinen/ die zeit
 meines Lebens / für allem Vnglück / vnd führe
 mich aus diesem leben in das Ewige/ Vnd stehe
 mir in meinem letzten Stündlein / mit rechtem
 Trost bey / Vnd lass dir mein Seelein in dein
 Allmechtigkeit vñ gnad/ zur Ewigen Seeligkeit
 befohlen sein / Amen / Amen/ Amen.

XIII.

Ach mein getrewer **HERR**
 vnd Gott / du Ewige Weisheit /
 gnade/ vnd Barmherzigkeit/ Dir
 sage ich für alle Wohlthaten / so du
 mir von Jugend auff / biss auff diese Stunde er-
 zeiget / von Herzen Lob/ Ehr / vnd Danck /
 In sonderheit / das du mich mit Leibes Früch-
 ten so ganz Väterlichen vnd reichlichen geseg-
 nest. Vnd die weil du getrewer Gott / mir mein
 liebe Anna Maria / als die Erstgeborne/ ganz
 Väterlichen gegeben/ So lass sie dir mein **HERR**
 vnd **GOTT** befohlen sein. Vnd nach dem sie
 nach deinem willen gleich den Tag / da sie das
 Eilffte Jahr erreicht / nach deiner ordnung /
 ist verlobet vnd versprochen worden: So bit
 ich

ich dich / meinen getrewen Gott / weil es allein
 zu deinen Ehren / auch nach deiner Ordnung
 ist angefangen / Du Ewige Barmherzigkeit /
 wollest ihnen deinen Segen / Liebe / Einigkeit /
 Gesundtheit / vnd Freude / in deiner furcht /
 schencken / geben / vnd verleihen / Vnd mit dei-
 ner gnade ober sie walten / Vnd sie beyderseits
 für allem Unglück / Leibes vnd der Seelen / be-
 hüten / Vnd so ferne es zu deinen Göttlichen
 Ehren gereichen soll / Auch zu beyderseits ihrer
 Seelen Heil vnd seligkeit / so wollestu ihnen auff
 bestimpte zeit in deiner Ordnung zusammen
 helfen / vnd mitlerweile allen bösen Meulern /
 vnd allen Feinden des Ehestandes wehren / da-
 mit es alles nach deinem Willen vnd Ordnun-
 ge ergehen möge / Vnd wollest sie vnter deinen
 Sittichen / in deiner Furcht / vnd Christlichen tu-
 genden / lassen wachsen vnd zunehmen. Vnd ist
 es dein Wille / so lass mich solche zeit mit Freu-
 den erleben / Das ich armer Elender Erden-
 floss / dich auch müge von Herzen loben / vnd dir
 dancken. Vnd lass vns dir alle in deine Hande
 befohlen sein / Amen / Amen / Amen.

E ij

Gott

Gott Vater / Sohn / Hei-
liger Geist /
Mit Gnaden segnen aller-
meist /

Mit lieb / vnd zucht / auch einigkeit /
Mit Segen vnd Gottseligkeit /
Wolst sein bey anfāg / mittel / vñ end /
Zu deinem Lob / Ehr / alles wendt /
Amen. Amen. Amen.

XIII.

Ach mein getrewer Gott vnd
Vater / Ich sage dir / durch deinen
geliebten Sohn / meinen Erlöser /
vnd Seligmacher / vnsern H E X
X E N Ihesum Christum / von grundt meines
Herzens / Lob / Preis / Ehr / vnd Danck / Das
du mein herzliche Gemahl / vnd mich / abermals
mit gnedigen Augen deiner Barmherzigkeit
angesehen / vnd vns widerumb gesegnet. Der-
halben mein getrewer Gott / Lass dir die frucht
sres

ihres Leibes befohlen sein / formier es nach deinem Ebenbildt / Vnd verleihe mit deinen gnaden / Mutter vnd Frucht / Segen vnd Stercke / das sie es zu rechter zeit vertragen mag. Vnd wollest nach deiner Barmherzigkeit / mein hertzliche Gemahl zu rechter zeit mit gnaden entbinden / vnd einen frölichen anblick verleihen vnd geben : In sonderheit das liebe Kindlein zum Sacrament der Heiligen Tauffe verhelfen / damit es dir / meinem Himlischen Vater / vnd deinem lieben Sohn Ihesu Christo / allein möge einvorleibet werden. Vnd wollest auch meine hertzliche Gemahl / zu ihrer gesundtheit / gnediglich wider kommen lassen / Vnd vns allerseits an Leib vnd Seele stercken vnd erhalten. Solches verleihe vns vmb deines Sohns Ihesu Christi willen / Amen / Dem mit dir / Ewigen Gott / sey vor alle Wolthat Preis / Lob / Ehr / vnd Danck / in Ewigkeit / Amen.

XV.

Almechtiger / Ewiger / Barmherziger Gott / du getrewer Himlischer Vater / Ich sage dir durch deinen geliebten Sohn /

E iij

Sohn /

Sohn / vnsern H E R R N Ihesum Christum /
 von grundt meines Hertzens / Lob / Preis / vnd
 Danck / Das du nach deinem gnedigen willen /
 meine hertzliche Gemahl / nicht allein zu rechter
 Stunde in gesundheit erhalten / Sondern auch
 mit solcher grossen gnaden / vnd Barmherzig-
 keit / dein Göttliche Allmacht an ihr bewiesen /
 Vnd ihr einen frölichen anblick / nach deinem
 Ebenbilde / ganz Väterlichen verliehen / Vñ vns
 beiderseits ein liebes kindlein / vnd junge gesun-
 de Tochter gegeben vnd bescheret. Ach H E R R
 Gott / wie kan ich dir für solche Wolthat gnug-
 sam dancken? Eine Lebendige Seele / nach dei-
 nem Ebenbilde / gesund vnd frisch / ist in dieser
 Welt ein grosse freude vnd Wolthat. Aber viel
 mehr das / das du sie auch zu dem Ewigen Le-
 ben / Freude / vnd Seligkeit erschaffen / die vns
 allein dein geliebter Sohn Ihesus Christus /
 durch seine heilige geburt / Beschneidunge / Sein
 bitter Leiden vnd Sterben / fröliche vñ herrliche
 Auferstehung vnd Himmelfart / bey dir erwor-
 ben vñ erlanget. Entzünde vnser hertzen / lieber
 Gott / Erwecke durch deinen Heiligen Geist /
 in vns / rechte Danckbarkeit / das wir solche
 grosse gnade vnd Wolthaten / nimmermehr ver-
 gessen /

gessen / Sondern mit höchster Danckbarkeit /
 die zeit vnser^s Lebens / hie in diesem vergengli-
 chen Leben / vnd dort in dem Ewigen Leben / vnd
 Seligkeit / in Ewigkeit loben / vnd preisen mö-
 gen. Vnd weil dir Allmechtiger Gott die gros-
 se Danckbarkeit hieran gelegen / Damit man
 das liebe Kindelein / durch die Heilige Tauffe /
 dir / vnd deinem liebem Sohn Ihesu Christo /
 vnd seiner Christlichen Kirchen einvorleibe :
 So wollest du Allmechtiger Gott / mitlerweile /
 dein Heilige vnd liebe Engel / Wechter sein las-
 sen / die das liebe Kindelein / für aller list vnd be-
 trug des leidigen Teuffels / behüten vnd bewa-
 ren mügen. Es auch in gesundheit gnediglich
 erhalten / Vnd zu der Seligen vnd Heiligen
 Tauffe ganz Beterlichen verhelffen / Vnd die-
 sen verzug vn^s Eltern / vmb deines Sohns
 Ihesu Christi willen / verzeihen. Ach lieber Gott /
 wende deine gnedige Augen nicht von vn^s / Wir
 sind ja alle dein Geschöpff vnd Kinder. Der-
 halben lass das Vater Hertz bey vn^s bleiben.
 Du lieber Gott / wöllest auch Mutter vnd
 Kinde ferner gnad vnd stärke verleihen / In ih-
 rem Kindbeth vnd Sechswochen / Vnd sie zu
 ihren Kresten vnd gesundheit gnediglich wider
 verhelffen /

verhelffen/ vnd kommen lassen/ Vnd vns in dei-
nem gnedigen Segen/ Lieb / vnd einigkeit hin-
fürder gantz Väterlichen erhalten. Solches
verleihe du getreuer Gott / vmb den gehorsam
deines geliebten Sohns willen / dem mit dir /
samt dem Heiligen Geist/ sey Lob / Ehr / vnd
Preis / für alle Wolthat in Ewigkeit/ Amen /
Amen/Amen.

XVI.

D Ein Herr vnd Gott/mein
Trost allein/
Du weist das Herz / ge-
danken mein.

Der Morgen tag erinnert mich/
Deiner Gnad so mildiglich :
Es sind gleich dreissig vnd acht Jahr/
Morgen / ich hie geboren war/
Für mittag in der achten stund /
Halffstu mir Herr ans Liecht ge-
sund/

Mich

Mich bald hernach / durch deinen büd /
 Wusch mich ganz rein / machst mich
 gesundt /

HERR noch ganz manigfaltiglich /
 An Seel vnd Leib segnest du mich.
 Vnd ob ich gleich ein Sünder bin /
 Ich bit / mein Gott / mein Sünd nim
 hin :

Erbarm dich mein / mein Gott vnd
 H E R R /

Mit gnaden ferner zu mir fehr /
 Mein Kindelein / mein Weib / mein
 Landt /

Erhalt / behüt für Sünd vnd schand.
 Ist es mir selig / vnd dein will /
 So erstreck mir weiter mein ziel :
 Doch stets gescheh der wille dein /
 Der ist vnd bleibt der best allein /
 Nach dem regier den Willen mein.

S

Ach

Ach HERR/ dir sey lob/ ehr/ vñ dancf/
Für all Wolthat mein lebenslang.

Amen.

Amen.

Amen.

XVII.

Ach mein getrewer / gnediger
Gott vñ Vater / Ich armes / dein Ge-
schöpff vñ Creatur / kome mit demüti-
gē betrübtem hertzen zu dir / vñ schüt-
te mein Hertz ganz vñd gar / für dir / mein Gott /
aus : Du getrewer Gott weisť mein gros anlie-
gen. Ach H E R R E verlass deinen Knecht
nicht / der auff dich hoffet : Du hast mir bis-
hero wünderbarlich aus allen meinen nöthen
geholfen. Darumb H E R R E / mein Gott /
vergifs an mir deine Barmherzigkeit nicht / dir
ist nichts vnmöglich : Schicke ja H E R R gne-
digemittel / vñd lass mich ja meinen Feinden
nicht ein spot werden. Ach mein H E R R vñd
Gott / mein Heiland / Erlöser / vñd Helffer /
Hilff ickunder vmb deines geliebten Sohns /
meines Heilandes Ihesu Christi willen / vñd
sey ja der rechte Mittler / du getrewer Gott.
Ich

Ich befehl vnd vnterwerffe mich dir ganz vnd
 gar in deine Barmherzigkeit / du wirst ohn
 zweiffel albereit beschloffen haben / was das be-
 ste / seligste / vnd nützlichste ist. Jedoch / mein
 H E R R vnd Gott / alles nach deiner grossen /
 vnaussprechlichen Barmherzigkeit / Amen.

Alein mein hoffnung / H E R R /
 auff dich /
 Ich tröst / vnd nicht verlasse mich.

XVIII.

Mich du Betrewer / Gnediger /
 Barmherziger Gott / vnd Vater /
 Ich Armer / dein Diener vnd gerin-
 ges geschöpff / Sag dir meinem ge-
 trewen / guedigen Gott / Lob / Ehr / vnd Danck /
 Das du mich nicht allein so mildiglich mit
 Leibes Früchten gesegnet / Sondern auch die
 zeit erleben lassen / das ich meine hertzliche er-
 ste Tochter / im Sechzehenden Jahr ihres Al-
 ters / in deiner Ordnung / Ehrlich vnd Fürst-
 lich versorget vnd aussgestattet. Dieweil denn
 F ij du ge.

du getrewer Gott / es ohne zweiffel also vorsehen vnd geordnet: Als bitt ich dich / meinen gnedigen Gott vnd Schöpffer / du wollest meiner hertzlieben Tochter / sampt ihrem Herrn vñ Gemahl / in deiner furcht / gesundtheit / freude / lieb / vnd einigkeit / gantz Beterlichen verleihen / Vnd mit deinem gnedigen Segen ihnen auch beywohnen. Vnd wollest sie dir an Leib vnd Seele lassen befohlen sein / Amen / Amen / Amen. Das verleihe vnd gib / vmb deines geliebten Sohns Ihesu Christi willen / Amen.

XIX.

Melmechtiger / Ewiger / vndendlicher Barmherziger Gott / vnd lieber Vater / Wir als ein Werk deiner Hande / wollen dir dancksagen / in deiner Furcht. Wir verlassen vns in dieser vnser noth auff keine andere / denn deine gerechte Hülffe / vnd die erleuchtung deines Angesichts / sonst müsten wir verzagen. Denn du H E X X bist ja vnser Hoffnung / der du vns erschaffen: Du verlest ja die jenigen nicht / so auff dich hoffen. Du bist ja sanfft.

ja sanfftmütig/ vnd gedültig/ vnd in erbarmun-
 ge ordnestu alle ding. Sündigen wir denn
 H E R R / so sind wir dein / Sündigen wir
 denn nicht / so sind wir auch dein. Denn wir
 sind ja auch in dz Buch der Lebendigen geschri-
 ben. Ach H E R R / wir sind ia alle mit einan-
 der/als ein Espen blat / vnd ist ein eitel ding vmb
 alle Lebendige Menschen / Vnd vnser Leben
 ist ein Windt auff Erden / Ach H E R R zürne
 ja nicht/wenn wir/ deine Waisen/ fallen. Denn
 du H E R R / vnser G O T t / weist wol/ was wir
 für ein gemecht sind. Wiltu denn/ O H E R R /
 der du ein vnschätzbarer G O T t an stercke bist /
 wider ein fliegendt Bladt / das von dem Windt
 beweget wird / deine Macht erzeigen? Wiltu
 denn das zerstoffene Rohr gar zuschmettern?
 Wiltu denn das glüende Föchtlein gar aus-
 sehen? O H E R R / wir fliehen zu deiner
 grossen Barmherzigkeit / die vnendlich ist/
 vnd wissen / das du am verderben deiner armen
 Creatur kein gefallen hast. So lass auch/ lie-
 ber H E R R G O T t vnd Vater / an deiner ar-
 men Creatur/ die du geschaffen/ nicht oberhand
 nemen / so du nicht gemacht hast. So es dir
 nun leid ist / wenn wir verderben / so erfreue
 auch

auch wiederumb dein armes Geschöpff. Wenn
 du wilt/so kanstu ons helfen/ vnd selig machen:
 Aber leider wir/ wenn wir gleich wollen/ so kön-
 nen wir nicht/ Die menge onser Elendes vnd
 Herzenleidts ist gar gros bey ons. Den Wil-
 len haben wir wol/ aber das vollbringen finden
 wir nicht/ Du allein kanst ons dasselbige geben.
 Wir vermügen auch nicht zu thun/ was wir
 wollen/ deine grosse Macht stercke ons denn.
 Aber H E R R in deinem Willen stehen alle
 ding/ Vnd es ist niemand/ der deinem Willen
 möge widerstreben. Du bist ein H E R R ober
 alle ding/ Du hast den gewalt ober alles Fleisch/
 vnd thust alles/ was du wilt/ im Himmel vnd auff
 Erden. Darumb lass ons deinen Willen erken-
 nen / in denselben ergeben wir ons / H E R R
 prüfe onser Herzen. Wende dich doch mit gra-
 den zu ons/ Lass dir/ lieber H E R R/ dein Geschöpff
 befohlen sein/ bringe es H E R R zu rechter zeit
 vnd stundt/ mit einem frölichen anblick aus
 Liebe/ Vnd nim es ja durch die Heilige Tauf-
 fe auff/ Ach lieber GOTT/ Erhör/ Erhör/ Er-
 hör/ onser Elendes Seuffzen/ Schüte ja für
 weiter Betrübnis / Vnd erhalte ons in deinem
 guedigen

gnedigen Willen / Vnd erleuchte ja H E R R
 unsere Herzen / das wir deinen gnedigen Wil-
 len erkennen / Vnd mit frölichem Herzen dich
 loben mügen. Wir befehlen vns H E R R dir
 ganz vnd gar: Du bist allein vnser Trost /
 Hoffnung / Hülf / vnd Zuversicht / Lass vns
 dir sempelich in deine Allmechtige Barmher-
 zigkeit befohlen sein / Vnd lass vns aus deinen
 Henden nimmermehr gerissen werden. Ach du
 heilige Dreyfaltigkeit / du siehest ins verborgen /
 Darumb wir vns dir hiemit ganz vnd gar er-
 geben / Vnd thum dir Leib vnd Seele befehlen /
 Amen / Amen / Amen.

Ach du Ewiger / Allmechtiger
 GOTT / Schöpffer Himmels vnd der Erden /
 der du mit GOTT dem Sohn / vnd GOTT
 dem Heiligen Geist / ein Einiger / Ewiger /
 Allmechtiger / Wahrer GOTT bist / zu dir kom-
 me ich / dein armes Geschöpf / mit demütigem /
 zuschlagenem Herzen / Klage vnd bekenne dir
 mein grosses Herkleid / Anliegen / Elend / vnd
 Noth. Ach H E R R / mein GOTT / du siehest ins
 verborgen / lieber H E R R vnd Gott / komme
 H E R R /

H E R R vnd hilff / Zeige mir deine gnade / lass
 mich deiner Barmherzigkeit / die vnendlich ist /
 theilhaftig werden. Ach H E R R / es stehet ja
 alles in deiner Allmechtigen Handt / lencke vnd
 wende ja unsere Herzen / nach deinem Willen.
 Heiliger GOTT / heile meine verwundte Seele /
 Vnd wende ja dein Heiliges Angesicht nicht
 von deinem armen Knecht : Ach sihe an unsere
 grosse Schwachheit. Ach du H E R R Ihesu
 Christe / Vergiss an vns deines Namens
 nicht. Du lieber Samariter / nim vns auch
 auff / Warte vnd pflege vns / Du getreuer Hei-
 land / Heile auch / H E R R / vnsere grosse Wun-
 den. Ach du Heilige Dreieinigkeith / gib vns dei-
 nen Heiligen Geist / der unsere Seelen vnd
 Herzen reinige von allen Sünden / Bewar
 H E R R E für allen Sünden / Wehre H E R R
 allen Sünden / Wende dich doch / du getreuer
 GOTT / wider mit gnaden zu vns. Ach mein
 H E R R Ihesu / lass ja deine Heilige Geburt /
 Beschneidunge / bitter Leiden vnd Sterben /
 fröliche vnd herrliche Auferstehunge / vnd Hi-
 melfart / an vns / deinen Waisen / nicht verloz-
 ren sein. Wir ergeben / vnd vnterwerffen vns
 dir / mit demütigem Herzen / ganz vnd gar /
 Vnd

Vnd erwarten mit gleubigem Herten / deiner
erbarmunge / gnad / vnd Barmherzigkeit : dar-
an wir / deine Kinder / keines weges zweiffeln
wollen / Amen / Amen / Amen.

X X.

Letliche Leimen / so

ich aus rechtem betrübtem / doch ge-
dültigem Herten / gemacht / damit ich meine
Gedanken / vnd mein Hertz ein wenig
zu frieden gesprochen :

AE

Gertzaillerliebste **A** Gadeh /
Dir ist gantz wol / dem **E** ist
weh /
Doch **A** vnd **E** im herten
mein /

Solln sie wol vnzertrennet sein :

G

Dieweil

Dieweil in mir das leben ist/
 Die liebste du gewisslich bist.
 Dein trewes hertz / dein steter sinn /
 Macht oft vnwissend / wo ich bin /
 Gedencke oft mit grossen schmerz /
 Allein an dein getrewes hertz.
 Wie mancher seufftzer zu dir geht?
 Jedoch zu Gott mein hoffnung steht /
 Der mich auch nicht verlassen wird /
 Er hilfft allein / der fromme Hirt.
 Ach Gott / lass dich erbarmen thun /
 Das ich mus sein ein Witwer nun /
 Dieweil du mir genommen hast /
 Mein liebstes / aus meinem Pallast.
 Ach Agnise / du trewes Weib /
 Wir zwoy waren gewis ein Leib /
 In rechter lieb vnd einigkeit /
 In Gottes furcht / gottseligkeit /
 War vnser will alzeit bereit /

Dar-

Darumb trag ich billich herzeleid.
 Ach wie gar ein getrewes hertz /
 Hab ich verlorn mit grosse schmerz:
 Dhn alle falsch du warst fürwar /
 Trotz dem / der anders sagen thar,
 Wie dein leben gewesen ist /
 Also selig gestorben bist.
 Gott Vater / Sohn / Heiliger Geist /
 Bey dem du jetzt in freuden bleibst:
 Vest mich / sampt deinen Kindelein
 hie /

Sobald wir es gedachtet nie,
 Weil es aber so Gott gefelt /
 So sey es auch ihm heim gestellt.
 Vnd Gott von hertzen bitten thun /
 Dir auch Christlich zusolgen nun /
 Zu oben vns in Gottes furcht /
 Damit wir auch kommen hindurch.

G ij

So

So lass nun dir befohlen sein /
 Mein Gott / mich / sampt den Kinder-
 Herr tröst / behüt zu jederzeit / (lein.
 Regier / durch dein Barmherzigkeit /
 Die trew Dienrin meiner Gemahl
 werdt /

Hinderlassn hie auff dieser Erd:
 Tröst / führ / sterck Herr / durch deinen
 Geist /

Ihr ampt zurichten aus mit fleiss.
 Für vnzucht / nachred / ergernis /
 Welchs schadt leichtlich der Jugend
 gwiss.

Behüte Herrre gnediglich.
 Wie wir hoffen ganz sicherlich.
 Auch mir verley Herr deine gnad /
 Das ich an dir Herr nicht verzag /
 Mein willn in dein ergeben mag /
 Vnd einstellen mein btrübte flag.

Vn=

Unmüglich ist es mir fürwar/
 Das ich ihrer vergesse gar/
 Sie wars / sie istis / vnd bleibets wol/
 Die liebste / die vielleicht noch kommen
 Es ist geschribn ins herze mein / (sol.
 Die lieb / die trew holdselkeit dein.
 Vnd ob vns gleich hie scheidt der
 Todt/
 Kom ich zu dir / wenn es wil Gott/
 Widrumb mit frewdn / in ewigkeit /
 An dem orth / den Gott hat bereit :
 Da wir ohn Sünden / ewiglich /
 Loben / Preisen Gott / seliglich.
 Allda / mein Herz / erwarte mir /
 Biss mir Gott frölich hilfft zu dir.
 Amen. Amen. Amen.

Ista fuit voluntas Domini.

Domini fuit ista voluntas.

G iij

Ach

Ach du getrewer Herr vnd
Gott /
Befand ist dir mein grosse
noth.

Wiewol ich weis den willen dein /
Das du gewis tröstest allein /
Die dich mit ernst anruffen thun :
So schrey ich ist / Herr hilff auch nun /
Send mir den rechten Tröster werd /
Der mich tröst hie auff dieser Erd.
Du weis das gros anligen mein /
Dieweil ich mus beraubt sein /
Allr gmeinschaft vnd holdseligkeit /
Meins liebsten weibs trewherkig-
keit.

Da war ein Will / vnd gar ein Sinn /
Jetzt ist es alles gar dahin /
Gottes furcht vnd alle Tugend /
Erschienen in ihrer Tugend.

Darin

Darin sie teglich sich vbet/
 Mit ihrem embsigen Gebet.
 Ein Wohnung sie gewisslich war
 Des heiligen Geists/ sag ich fürwar/
 Der sie auch sanfft vnd seliglich/
 In Himel gefürt hat mit sich:
 Da sie mit Gott in ewigkeit/
 Lebet/ lobet Gott allezeit:
 Vnd weis/ vñ glaub gewis fürwar/
 Sie wird nicht meinr vergessen gar:
 Sondern mich/ vnd ihr Kinderlein /
 Sich lassen stets befohlen sein /
 Vnd trewlicher/ denn wol zuuor /
 Ihr Gbet bringen für Gottes ohr.
 Derhalb du liebe Seele mein
 Gib dich zu fried / vnd ruhe fein/
 Du weisis vnd bist versichert gar/
 Das dein fleisch jetzt lebet fürwar:

In

In Gottes furcht erwart der zeit /
 Es ist alles fürwar bereit /
 Wenn es Gott wil / vnd selig ist /
 Kom ich zu dir / da du jetzt bist.

XXI.

ACROSTICHIS.

Ach mein hertzlieber Herre werd /
Gantz lieb ich euch gehabt auff erd /
Nuhmehr geschieden hier von dir /
Zetzund empfah ich frewd alhier /
Sehe Gott von angesicht alzeit /
Ewig mein Leid verkert in frewd.
Fürwar / mein hertzein / glaube mir /
Vnd lass gantzlich das trawren nür /
Recht wol hie es omb mich gewand /
Selig / der kömpt zu diesem stand.
Ihue ruhen jetzt von aller mühe /
In Abrahams schoß / im Himmel hie:
Nicht mein auff erden mehr beger /

33

Gott allein dein herze fehr.
Ach Gott verlass auff erden nicht/
Noch wende ab dein angesicht/
Herr hilff / vnnnd tröst den Herren
 mein /

Auch die herzlieben Kinderlein/
Leit / führ sie **H**err / durch dein gnad/
Tröst / hilff / erret / behüt vor schad.

Diese Reimen hat mein herzlieber
 Bruder S. Bernhard gemacht / Anno
 1569. den 19. Decembris.

XXII.

Ach **H**err hilff mir / es ist hoch
 zeit /

Gedenck an dein Barmhertzigkeit /
Nicht sihe an vnser Missethat /
Ich weis / du erhörst den / der dich bat.
So fom nun **H**err genediglich /
H Eile /

Eile / durch dein Geist tröste mich:
Führ mich HERR in versuchung
 nicht /

Bnd verheng nicht dem Bösewicht /

Regier HERR durch deinen Geist /

Sieh an die Kindlein allermeist /

Trew Dienerin ihu thu geben /

In ihrem Kindlichen leben /

Niemands lass ergernis geben:

B deinem Lob erhalte sie /

Anders nicht mehr wir bittenhie.

Nach dem ich auch dich bitten thue /

Herr gib ihr die selige ruhe /

Auch hilff mir HERR gnediglich /

Leit mich zu ihr / wenns seliglich /

Tröst mich dieweil / das bitt ich dich.

Amen.

Ach

Ach herzlichester Herre mein/
Gesegn euch Gott/ es mus jetzt sein :
Nach dem mich lang verlanget hat /
Ist jetzt kommen / vnd nicht zu spat.
Selig bin ich / das danck ich Gott/
Erlöst bin ich / durch sein Blut roth.
Frewt euch mit mir / vñ trauret nicht/
Onsrer Gott hats wol außs gericht/
Rufft Gott mit ernst von hertzen an/
Sein Kindr er nicht verlassen kan/
Tröst euch / sampt meinē kinderlein/
In tugent sie erzieht allein.
Nach dem ich nuh mehr gewis weis /
Vor weil in mir ist Gottes Geist/
Ales wol recht Gott schicken wird/
Nach dem von ihn er wird geehrt :
HALT fleissig an auff dieser Erd.

Ich bin fürwar in grosser noth/
Herr hilff mir/ du fromer Gott:
Auff erden ich verloren hab/
Christlich folget man dir zu Grab.
Hagnes/ Hagnes/ du liebste mein/
Ich mus jekund gar von dir sein/
Mein Gott/ mit trost mir jetzt erschein.
Erst spur ich/ was ich hab verlorn/
Recht liebe/trew/da war kein zorn.
Niemals kein zorn obereilet sie/(nie/
Schimpfflich wort hört man von jr
Arawr billich jekundt omb sie hie.
Fürwar es wer ein steinern hertz/
Bngtrew dē dis mit billich schmerz.
Recht lieb kan da gewiss nicht sein/
Solchs schreib ich in dz hertze mein/
Araun ja/sie wars/sie bleibts allein.
B Gott ich aber mich verseyh /

Aus

Aus seinem willen es gescheh,
Nun mus mein hertz zu frieden sein/
Herr Gott/du must helfen allein:
Ach mein hertzliche Kinderlein/
Lass dir **HERRN** befohlen sein/
Tröst sie/erhalt/**H**err hilf allein.

X X V.

Disz Lied hab ich in grosser schwehr=
 muth gemacht / Im Thon / Mag ich
 vnglück nicht widerstan.

1.

Erley gedult / Ach **H**err
 Gott mein / Ich beger jetzt dein /
 allhie auff dieser Erden / Du weist
 das gross Elende mein / Weils
 denn mus sein / so thue ich mich
 dir ergeben / Verley genad / für Sünd vnn
 schad/bewar allein: Die kindlein klein / Thue ich
 dir **HERRN** befohlen.

H iij

Diesweil

2.

Dieweil du mir genommen hast / mein lieb-
sten Schatz / Ist's doch gewesen / H E R R dein
wille / So bin ich auch allhier nur ein Gast /
Ich hab kein rast / H E R R hilff mir zu jr auch
in stille / Doch der Wille dein / der muss stets
sein / Du weißt es wol / wie es sein sol / Du wirst's
gewiss wol machen.

3.

Wie gar eine Christliche Ehe? Ich sage
nicht mehe / mein Hertz wil mir zubrechen / Daz
dieses mir so sehr thut wehe / mich recht verste-
he / Fleisch vnd Blut mus mans zurechen:
Die Liebe so genent / bleibt unzertrent / züch-
tig vnd rein / Christlich allein / spürten wir Got-
tes Segen.

4.

So ich ihr Tugendt erzehlen sol / so mercket
mich wol / Ich mus nuhmeher schweigen / Gott
lob / es weiß ein jedes wol / All Welt ist voll /
begirig jr tugend auch zukriegen / Gottseligkeit /
Barmhertzigkeit / gegen jederman / Sie war
ganz from / erzeigt alln gebürlich ehre.

Für

63

5.

Für allen dingn ihr Kinderlein / erzoch sie
fein / zu Gottes Lob vnd Ehren / Ihr Frauen-
zimmer in gemein / must gehorsam sein / mit tu-
gend thet sie ihn das lehren / Gottes Wort hat
sie lieb / Hassst Vnzucht vnd Vnfriedt / Nicht
hie / dort hin / So war ihr Sinn / Ein Kron war
sie der Ehren.

6.

Hieraus sieht nuh ein jeder Christ / Wie
mir jetzt ist / der so ein Schatz hat verlohren /
Darum bitt ich auch / wer du bist / fürs Teuffels
list / Bitt Gott / das er vns woll erhören : Be-
hüt H E X X vnd tröst / Du hast erlost / mich
vnd allzumal / von der ewigen Qual / wolst mich
ja nicht verlassen.

7.

Dierreil nuh das selig Herze mein / muss
bey dir sein / so thue ich H E X X / dir sie befeh-
len / Wiewol sie nicht darff der Fürbitt mein /
Versteh allein / mein Herz lass ja nicht que-
len : Hadch mein liebstes Herz / mit seufftē vnd
schmerz /

schmerz/muss ich von dir: Wie jetzt ist mir / das
weistu HERR am besten.

S.

Ich hoff aber / vnd gleubs fürwar / Ich
kom auch dar / zu meinem liebsten hertzen: Wie
wolich die zeit / GOTT heimstelle gar / weil sein
Wort war / Lasts vns nur nicht verscherzen /
Du Tröster werd / auff dieser Erd / Ohn dich
gar nichts / wir vermügen ichts / Darumb ich
mich dir gantz ergebe / Amen.

X X V I.

DA ein Tausent fünffhun-
dert Jahr /
Neun vnd sechtzig man zelt
fürwar /

Am ersten Sontag des Aduents /
Halff Gott mit gnaden gantz eilēds /
Dem Christlichen / Fürstlichen Weib /
Nam ihr Seele von ihrem Leib /
Zu sich / gantz Christlich sie vorscheid /
Wie

Wie sie zuvor hatt Prophezeit.
 Kein anfechtung war in ihrem sin/
 Im glauben starck fur sie von hin:
 O Herr hilff/las wol gelingen/
 Diese wort höret man flingen/
 Kurz in ihrem sterbstündelein/
 Des hülff sie auch genoss allein.
 Mit Gottes Sohn sie gewiss einreit/
 In Abrahams Schoß / da jr bereit
 Unendlich die ewige frewd/
 Selig hindurch/von allem leidt.
 Ein exempel an jr man hat /
 Das der todt nicht den Christē schad.
 Wie vnser Herr auch selber spricht :
 Wer mich liebet / gewiss wird nicht
 Den Todtschmecken / sondern durch-
 bricht
 Todes angst / kumpt zum ewign
 Liecht /

Z Da

Da die heilige Agnes werd/
 Mit freuden lebt/nicht mehr auff erd
 Zu leben sie numehr begert/
 Ir leid in frewd ist jetzt verkerf.
 Nach dem sie fünff wochen/drey tag/
 Wie sie/nach ihrer gwonheit / pflag
 Ihren Kirchgang zuhalten sein/
 So lang must sie auch jetzt francf
 sein.

Nach dem die zeit erfüllet war/
 In Himel sie eilet fürwar.
 Die zeit war gleich das neunte jar/
 Sie ward nach Plözke gfüret dar/
 Ehrlich sie da entpfangen thet
 Ihr Herr/gros frewd/lieb mit jr hett:
 Also sie auch jetzt kommen ist/
 Zu irem Breutgam Jesu Christ/
 Der sie/ohn zweiffel hat ornirt/
 Mit seinem blut sie hat geziert:

Recht

Recht ihr heimfart gehalten hat/
 Versteht numer Gottes weisen Rath/
 Im Himmel sie in freuden lebt/
 Ihr ehr vnd ruhm auff erdē schwebt.
 Ob gleich ihr Körper ruhet fein/
 Wil ihrer nicht vergessen sein.
 Ir werck gewiss ihr folgen thun/
 Darumb so last das trawren nun/
 Danckt Got für sein barmherzigkeit/
 Die er an ihr jetzt hat erzeigt:
 In Gottes furcht bleibet allzeit/
 Folgt jr/ es ist euch auch bereit.
 So hilff auch nun / du frommer Gott/
 Vns hindurch/durch dē bittern todt/
 Durch dein herzliebes Jesulein/
 Für vns zu dir in Himmel nein/
 Mit ihr/da wolln wir frölich sein/
 Vnendlich dich loben allein/

A M E N.

I ij

Ein

Ein Gespräch meiner seligen Agnesen
mit mir / darin vnser beyder Name.

Ich bit dich / lieber Herr vñ Gott /
Das ich mag mein grosse not /
Allein mit meinem herzelein /
Christlich mich vnterreden fein.
Hagnes / Hagnes / ich schrey zu dir /
Ich bitt freundlich berichte mir /
Mein herz / wie ist's vmb dich gewäd?
Ach Herr / furt nicht ein solche standt /
Ganz wol ist mir ins Himmels thron /
Nun ist mir auffgesetzt die Kron.
Ich bin herdurch von aller qual /
Selig / tröst euch des allzumal /
Es Gott mit vns gewis wol meint.
Erstlich ich bitt / bericht mir heind /
 Recht /

Recht/noch mein hertz ist bey dir ist/
Nu wehr ich auch gern/da du bist:

Ey lieber schatz/bericht mich fein/
Sorgst auch noch für die kinderlein?

Tröst mich/ich bitt/mich recht bericht.
Fragt nicht so viel in Gottes gericht/
Worwar jr habt ein gnedign Gott/
Richtet euch nur nach seinem gebott.

Sie sind/mit euch/ in Gottes handt/
Traun all mein freund/das gantze

Land:

Ich weis/ vnd sag euch dis fürwar/
Nu gleubt auch diesen worten klar.

Fürwar dis ist ein grosser trost/
Wnd frew mich nun/das wir erlost/
Recht frewd ist in dem hertzen mein.
So bitt ich dich/bericht allein/
Trauwrestu auch vmb vns jetzt mehr?
Ey nicht gedencft so/ lieber Herr!

Iij **Z**war

Traun all mein freund/das gantze

Land:

Ich weis/ vnd sag euch dis fürwar/
Nu gleubt auch diesen worten klar.

Fürwar dis ist ein grosser trost/
Wnd frew mich nun/das wir erlost/
Recht frewd ist in dem hertzen mein.
So bitt ich dich/bericht allein/
Trauwrestu auch vmb vns jetzt mehr?
Ey nicht gedencft so/ lieber Herr!

Iij **Z**war

Traun all mein freund/das gantze

Land:

Ich weis/ vnd sag euch dis fürwar/
Nu gleubt auch diesen worten klar.

Fürwar dis ist ein grosser trost/
Wnd frew mich nun/das wir erlost/
Recht frewd ist in dem hertzen mein.
So bitt ich dich/bericht allein/
Trauwrestu auch vmb vns jetzt mehr?
Ey nicht gedencft so/ lieber Herr!

Iij **Z**war

Traun all mein freund/das gantze

Land:

Ich weis/ vnd sag euch dis fürwar/
Nu gleubt auch diesen worten klar.

Fürwar dis ist ein grosser trost/
Wnd frew mich nun/das wir erlost/
Recht frewd ist in dem hertzen mein.
So bitt ich dich/bericht allein/
Trauwrestu auch vmb vns jetzt mehr?
Ey nicht gedencft so/ lieber Herr!

Iij **Z**war

Iwar ich euch ietzt noch lieben thue/
Vergess euch nicht im Himmel nuhe/
Zuor wenn ihr in Gottes furcht
Bbet euch/ vnd bringet hindurch
All ewr anfang / mittel / vnd end/
Nach Gottes Wort / richtet behend :
Halt hart vbr vnsern Kinderlein /
Auff gutte zucht sehet allein.
Last das liebe getrewe hertz/
Tragen nicht solche grosse schmerz.
Ach liebstes trewes hertze mein /
Nach dem es denn ietzt muss so sein /
Habet euch wol / vnd trawret nicht /
Auff Gott allein ewr zuorsicht /
Lernt ihm in allem ghorsam sein /
Traun ia / es mus doch also sein.

F I N I S.

Diese

Diese Christliche ge-

dancken habe ich gehabt / wie mir
mein gotseliger vnd einiger Bruder / Fürst
Bernhart / mit todt ist abgangen.

Nach dem numehr ein ieder
Christ
Weis / wie selig gestorben ist /
Agnes / ein Fürstin zu Anhalt /
Fürwar sie billig wird gezalt /
Vnter die zal der Gleubigen /
Der Seligen vnd Heiligen /
Dis ich oft mit seufftzen betracht /
Bring damit zu manch lange nacht.
Da nun eins in gedancken tieff /
Gantz matt vnd müde ich einschlies /
Mich daucht / ich sah ein schön Ge-
sicht /

Welchs

Welchs doch war ein gewis geschicht.
 Ich sah in frewdn die Agnes mein/
 Gott loben mit den Geisterlein.

Da war gros frewde vberal/
 Auch war hiebey / bey dieser zal /
 Ihr kleines liebes Töchterlein/
 Welchs spielt mit Fürst Frantz Ge-
 orgen fein /

Gar viel aus dem geschlecht Anhalt.
 Neben Barby sah man gar bald/
 Ihr beyde Schwestern allzumal.
 Viel aufferweilen ohne zal/
 Sah ich alhier an diesem ort/
 Manch sehr lieblich gethön mā hort/
 Es war gros freud ins Himmels thron/
 Sie lobten Gottes einign Sohn.
 Wie gar schön aus der massen fein/
 Leuchtet die Seel der Agnes mein ?
 Wie gar manche tröstliche wort

Höret

Höret man hie an diesem orth?
 Sie waren all in grosser frewd/
 In dem höret ich ein geleut /
 Da war ein frewd / ein jubilieren /
 Da höret man die Englein hofieren:
 Es war ein lieblich Resonanz/
 Der himlisch Chor erzittert ganz.
 In dem / mit ein lieblichen wind /
 Kam ein schön gottseliges Kind /
 Viel heller als der Morgenstern /
 Sah man sein glanz leuchten von
 fern.

Da kamen alle Bleubigen /
 Diese Seel zuempfangen fein /
 Mit frewden ein jede sie ansach /
 Da sieng mein Agnis an vnd sprach /
 Ich halt es ist der HERR mein /
 Ach nein / es ist der Bruder sein.
 Gott lob vnd danck in ewigkeit /

K Welch

Welch grosse frewd ist hie bereit?
 Ach du herzliefster Bruder mein/
 Wer gleubt / das solch frewd hie solt
 sein?

Wir seind herdurch von aller qual/
 Mit vns frewen sich alzumal.
 Was war doch für frewd auff der
 erdt?

Es ist nicht eines wortes wehrt?
 Jedoch vns zwingt die Liebe gross/
 Das wir dencken an vnser genoss.
 Ob ich gleich hie in frewden bin/
 So stehet doch dahin mein sin /
 Zu beten für den HEren mein/
 Neben mein lieben Kinderlein.
 Vnd ob ich nun wol dencken kan/
 Was für ein sehr betrübtter Man/
 Mein allerliebster Herre ist/
 Weil du von ihm genommen bist:
 Darumb

Darumb ich bitt/ bericht mich fein/
 Wie stund es vmb den Herren mein?
 Ich weis vnd kenn sein trewes
 hercz/

Es leidet gewiss gar grossen schmerz.
 Wiewol ich weis/ vnd zweiffel
 nicht/

Endlich sein sinn dahin gericht/
 Das er alles dem lieben Gott
 Heimstellet/ vnd befihlt sein not.
 Fürwar trewlich ich bitten thue/
 Im Himmel hie spar keine mühe.
 Denn die Liebe noch unzertrendt/
 Fürwar dz hercz meins Herren kendet/
 Vnd ob ich wol in grosser frewd/
 Mein seligen Bruder sehe heut:
 So erbarmt mich doch des Herrn
 Weil er mus gar beraubet sein/
 Der allerliebsten Freund auff erd:

K ij Ach

Ach du gar liebste herze werd/
 Tröst dich Gott/ vnd die Kinderlein/
 Welche dein frewd vnd trawern sein.
 Derhalben liebster Bruder mein/
 Diss alles mich berichtet sein.
 Ach Agnisse/ du schöner glantz/
 In mir das herze erfreuet ganz/
 Vber dieser gar grossen frewd /
 Die vns allen begegnet heut.
 Mein Bruder aber/ dein Gemahl/
 Hat darüber noch grosse qual /
 Das er auff erden vnser beidt
 Entzichten sol / das ist im leidt.
 Doch trösten ihn sein Kinderlein/
 Darzu die trewe Landschafft sein:
 Dieselb regiert er recht vnd wol /
 Wie ein trewer Regent thun sol/
 Teglich zu Gott seuffzet vnd schreit/

Vmb

Vmb hülff / trost / vnd barmhertzig-
keit.

Ach lieber Bruder / sie da sprach /
Dabey ist ja gross vngemach /
Aber gewiss mir zweiffelt nicht /
Auff Gott setzt er sein zuuersicht /
Der ihn auch nicht verlassen wird /
Er ist allein der gtrewe Hirt.
Mit trost er ihn wird weiden thun /
Darzu geben das ewige lohn /
So er im glauben bleibt bestohn /
Vnser Kinder sich nimmet an /
Das rechte schützet / das böse strafft /
Alles mit Rath vnd rechte schafft /
Vnd lest im auch befohlen sein /
Dein trewes Weib / welchs jetzt al-
lein /

Vnd trostlos ist: Sie beide sind
Verlassen Waisen / wie ein Kind /

K iij Dem

Dem seine Mutter stirbet ab/
 Gott geb den beiden seine gab.
 Darumb so last vns bitten Gott/
 Das er ihn helff in aller not.
 Also tretten sie allzumal/
 Vor den heiligen Himmels Sahl/
 Daran man siehet leuchten fern/
 Die Sonne/Mond/vnd helle Stern/
 Darinn leuchtet die Go:theit klar/
 Alles herrlich vnd heilig war:
 Erhuben ihre stimm zugleich/
 Gott der du bist im Himmelreich/
 O du heilige Dreyfaltigkeit/
 Dir sey lob/preis/in ewigkeit/
 Das du vnser Seel nimmest an/
 Vnd wilt die von dir nimmer lan.
 Die frewd ist gros/als kein mund
 spricht/
 So vns durch deine glantz geschicht.
 Welches

Welchs vns erwarb dein lieber
 Durch seine *Satisfaction*. (Son/
 Auff erden ist aber gross not/
 Der Sünden solt/ gewisser Todt/
 Kein trew/kein glaub/auff erden
 schwebt/

Es ist verkehrt alles / was lebt.
 Drümb warnen sie dein firmament/
 Vnd erzittern all element:
 Die Sonn verleuret ihren schein/
 Alle wasser jekund gross sein:
 Die Himmel vnd die schönen Stern/
 Wolten die Leut auch warnen gern.
 Aber was hilffts? es ist verlorn/
 Es acht niemands auff deinen zorn.
 Wo du dich nicht erbarmst der schar/
 So werden sie verderben gar.
 Wend ab von ihnen deine straff/
 Mit ihn nach deiner güte schaff.

Wir

Wir bitten dich / O warer Gott /
 Beisteh den vnsern in irer not /
 Gib glück vnd heil zum Regiment /
 Dasselb zu deinem lobe wendt :
 Vnd hilff tragen die schwere last /
 So du ihn aufferleget hast /
 Das alles gehe fein richtig zu /
 Ach Gott hierbey das beste thue :
 Lass dir die jungen Pflenzelein /
 Auch in dein schutz befohlen sein /
 Das sie wachsen vnd nemen zu /
 Vnd dem haus Anhalt machen ruh /
 Dasselbig noch mehr breiten aus /
 Lass dir befohlen sein diss Haus /
 Regiere / sterck / vnd heilig es /
 Damit es deiner nicht vergess .
 Vnd wenn ein ieglicher sein zeit
 Erfüllet hat / darnach sie leit /
 Auch Herr in diesen schönen Sal /
 Darcin

Darein bring sie ja allzumal,
 Gib recht verstand vnd einigkeit/
 Das sie leben zu aller zeit:
 Als Brüder / Schwestern / vnd als
 Freundt /

Das in nicht schadt der böse Feindt,
 Weil du der Waisen Vater bist/
 Wend ab von ihnen arge List,
 Hilff ihñ überwinden den Todt/
 Vnd führ sie auch aus aller noth/
 Auff ihre Seele hoffen wir/
 Lass vnser Gebet gefallen dir,
 In dem verliss mich dieser traum/
 Mich dunckt / in der Welt wer kein
 raum /

Der besser möcht gefallen mir /
 Denn auch zu sein in solcher zier,
 Weil du aber mir diese Last/
 Trewer Gott / aufferleget hast /

¶

So

So wil ich gerne folgen dir/
 Nicht zweiueln/du wirst helffen mir.
 Du weist das hertz/gedancken mein/
 Vnd gleub/ es wird erhöret sein.
 Mit glück/seggen/sey stets bey mir/
 Durch deine Weisheit mich regier:
 Doch das gescheh der Wille dein/
 Lass dir all sach befohlen sein.
 Amen. Amen. Amen.

XXIX.

Diss Lied hab ich gemacht / auff den
 Thon / lam moesta quiesce querela.

1.

Ach Gott/ lass dich es erbar=
 men/
 Behalt vns in deinen Armen /
 Du weist all vnser grosse not/
 Weil vnser Fürstin ist jetzt todt.
 Ach

2.

Ach wie gar heilig vnd selig /
 Sie bey dir bleibet jetzt ewig ?
 Fürwar viel schöner tugendt /
 Mit ihr von hinnen zugend.

3.

Gottfürchtig war sie / vnd gütig /
 Hasset Hoffart / war recht demütig /
 Ihrn Herren liebet sie sehre /
 Jedoch ihren Gott viel mehre.

4.

Wie gar ein auffrichtiger sinn /
 Der gar nicht wancket hin vnd hin ?
 An ihrn geberden man sahe /
 Das mund vnd herz eines ware.

5.

Fein strack sie doch stets regieret /
 Ihr Frauenzimmer : Sie zieret
 Mit ernst vnd viel schöner tugendt /
 Fürnemlich ihr liebe zugendt.

6.

Gottes furcht mit fleis thet sie lehren /
 Für allen / ihn stets zu ehren /

E ij

Zu allen

Zu allen Ehrlichen dingen /
Hört gern Gott loben / mit singen.

7.

Vnzucht verhasst sie gar sehre /
Sie hielt hart vber ihr Ehre.
Es alle müssen bezeugen /
Sie alles meinte mit Trewen.

8.

Gebürlich mildt / vnd verschwiegen /
Warhafftig/bstendig/hassst lügen /
Hört nicht gerne Newe meere /
Allein ein Kron wars der Ehren.

9.

Darumb billich sie beklagen /
Mit weinen/ seuffzen/ vnd zagen /
Ihrs gleichen man wenig findet /
Doch ist die Welt gar verblendt.

10.

Ihr Herr hat gewiss verloren /
Gott hat sie ihm außserkoren:
Sein Hertz ist gar verwundet /
Mit Lieb gegen ihr erkündet.

Wenn

11.

Wenn er gedencet an ihre trewe/
 So macht er sein trawren newe.
 Elendt hat ihn gantz umbfangen/
 Nach ihr steht all sein verlangen.

12.

Auch die Frewlein alle drehe
 Seuffzen/weinen offit/vnd schreyen/
 Vnd beklagen sie gar sehre /
 Zhe lenger / elter / je mehrer.

13.

Auch die liebe junge Herrlein /
 Wollen immer auch bey ihr sein:
 Ihr hertzlein nach ihr sich sehnet /
 Eins heulet/ das ander weinet.

14.

Ihr getrewes Frauenzimmer
 Ist es nun recht worden innen/
 Es heulet / weinet/ vnd klaget/
 Alles was nur von ihr saget.

15.

Die Landschafft vñ die gemeine/
 Heulen/ schreyen/ vnd weinen/
 Ein jeder an seinem Herzen /
 Fühlet gros angst vnd schmerken.

L iii

Fürwar

16.

Fürwar wir haben verloren/
 Es ist ein zeichen Gottes zoren.
 Wir ihn aber wollen bitten/
 Er uns wolt verlassen nitte.

17.

Sondern weil es der Wille sein/
 Wir uns auch mögen geben drein/
 Vnd alle von Herzen singen/
 So selig hilff uns von hinnen.

18.

Doch allezeit der Wille dein/
 Geschehe stets/vnd mus doch sein/
 Verleihe gedult uns allen/
 Hilff/das wir dir nur gefallen.

19.

Ach HERR Gott/ vnser gemüte
 Für vngedult stets behüte.
 In dir wir uns thun ergeben/
 Gib uns das Ewige Leben.

20.

Damit wil ich nun beschliessen/
 Dieses mit Ehrenen begiessen/
 Ach Gott tröst unsere Herzen/
 Welch leiden gros pein vnd schmercken.

Hadeh

21.

Hadeh du liebste Herze werd/
Wir waren ein Leib auff der Erdt/
Die rechte lieb / so genennet/
Soll doch bleiben vnzutrennet.

22.

Vnd ob du gleich bey Gott jetzt bist /
Zedoch mein Herz stets bey dir ist.
Ein glaub / lieb / hoffnung / vnd ein Gott
Sterckt vns / im leben / vnd im Todt.

23.

Vnd wenn nu auch kömpt mein Stündlein/
Selig ich auch wil bey dir sein:
Darzu hilff mir / du frommer Gott /
Mit gnaden durch dein bittern todt.
Amen.

XXX.

Melmechtiger / Ewiger /
Bar mherziger Gott vnd Va-
ter / Die weil du nach deinem vn-
wandelbaren Willen / mir mein
allerliebste / tugentliche Gemahl
genommen / Vnd ich also das liebste / negst dir /
auff dieser Welt verloren / Auch sekundt / neben
meinen herzlieben Kinderlein / ohn dich / wenig
trost

trost vnd freude habe / Vnd du getrewer
 Gott weist vnd kennest / woz für Wiederwertig-
 keit vnd Anliegen / in dieser elendē Welt / teglich
 fürfellet / dz man eines getrewen Gehülffen wol
 misset. Weiles aber dir / Allmechtigen Gott /
 also gefallen: So verleihe vns allen gedult /
 Das wir dir / mit rechtem gehorsam / in al-
 lem folgen / vnd stillhalten mügen. Vnd nach
 dem du denn ein Gott alles Trosts vnd gutes /
 ohn welchen auch nichts gutes herfleust / Der-
 halben du getrewer Gott / vnterwirff ich
 mich dir ganz vñ gar / schaffe du es nach deiner
 Barmherzigkeit mit mir: Vnd ist es also dein
 Göttlicher Wille / das ich mich widerümb ver-
 ehelichen sol / So beschere mir nach deiner güte /
 vmb deines lieben Sohns / Ihesu Christi wil-
 len / widerümb ein frommes / Christliches / vnd
 tugentliches Gemahl / wie du mir zuuor gege-
 ben / Die nach dir nichts liebers / denn mich / vnd
 meine hertzliche Kinderlein / vnd ich des gleichen
 auch nicht habe. Vnd verleihe / das wir in dei-
 ner Furcht / in hertzlicher Liebe / Treu / vnd
 Einigkeit / vnser Leben zubringen mügen. Vnd
 lass auch deinen gnedigen Segen / wie zuuor /
 ober vns reichlich walten / Vnd das es fürnem-
 lich

lich zu deinen Göttlichen Ehren / mir / vnd mei-
 nen herzlichsten Kindelein zur Freude vnd Trost /
 vnd vns / vnd der ganzen Landschaft / zu zeit-
 licher vnd Ewiger Wolthat gereichen möge.
 Ach HERR / siehe du an / deinen elenden Knecht /
 vnd erfreue widerumb / das du betrübet hast /
 Damit wir aus schwachheit vnd vngedult / dei-
 ner nicht vergessen / Sondern deine gute vnd
 Barmherzigkeit erkennen / vnd rühmen mü-
 gen. Du bist ein Gott der Erbarmung / vnd
 alles trostes. Derhalben ich dir es alles mit ge-
 dult befehle / vnd heimstelle / Du wirst gewiss
 alles / was selig vnd gut / mir schencken vnd ge-
 ben / Amen / Amen / Amen.

XXXI

Ach du Betreuer / Allmech-
 tiger Gott / Schöpffer Himmels
 vnd der Erden / Weil ja alles allein
 dein Segen / gabe / vnd geschencke:
 So gib ja auch / gnediger Gott / glück / Segen /
 vnd gedeyen / zu dem lieben Bergwerck / das
 es fürnemlichen zu deinen Ehren / diesen Lan-
 den zu nutz / auffnehmen / vnd gedeyen / möge er-
 hoben /

hoben/ vnd erbarret werden. Zeige du getrewer
 GOTT die rechten Klüfft vnd genge / Vnd laß
 deine Allmechtigkeit walten. Verleihe auch
 getrewe / verstendige Verwalter darzu / Vnd
 das es alles / mit rechter Danckbarkeit / möge
 wol angelegt / vnd aussgespendet werden.
 H E R R E / dein Will geschehe allein / Du weis
 allein / was selig vnd gut ist. Derhalben wir
 es deinem Allmechtigen Willen allein heimstel
 len: Dir Ewigen Dreyfaltigkeit / sey für alle
 Wolthaten / Lob / Ehr / vnd Danck in Ewig
 keit / Amen / Amen / Amen.

X X X I I.

Allmechtiger / Ewiger / Him
 melischer Vater / Weil du weis / vnd
 kennest mein Armes / Schwaches
 Fleisch vnd Blut / Welches du auch
 aus Staub vnd Aschen geschaffen: Vnd du
 mein getrewer GOTT / mir dieses Creuze / dz du
 mir mein hertzliebes Gemahl genommen / auff
 geleet: So bitt ich dich auch / hertzliebster Va
 ter / Du wollest mir in diesem meinem grossen
 Creuze /

Kreuze / mit deiner Barmherzigkeit / vnd
 gnedigen Trost ganz Väterlichen zu Hülffe
 kommen / mich / durch deinen Geist / stercken vnd
 trösten: In meiner grossen Betrübniß / vnd
 schweren Regierung / vnd Haushaltung /
 mit gedult / gnaden / Segen / Weisheit / vnd
 Verstand bey mir sein / vnd alles zu deinen Eh-
 ren schicken vnd wenden. Vnd weil du getrew-
 er Gott am besten weist / was für Sachen an
 mich gebracht / Als bitte ich dich / von grundt
 meines elenden / betrübten Hertzens / Du wol-
 lest / vmb deines lieben Sohns Ihesu Christi
 willen / in diesen Sachen der beste Rathgeber
 sein / vnd so ferne es dein Göttlicher / gnediger /
 Barmherziger Wille / vnd es zu deinen Eh-
 ren / Vns auch zu zeitlicher vnd Ewiger wol-
 fart gereichen solle / So wollestu ja mein Hertz /
 nach deinem gnedigen Willen lencken. Vnd da
 ich mich widerumb nach deinem Willen verren-
 dern sol / So wollestu mir ja hinwider / ein solch
 Christliches / Frommes / vnd trewes Hertz /
 wie du mir zuuor gegeben / zuordnen / Vnd das
 mein hertzliche Kinderlein / neben meiner ge-
 trewen Landtschafft / mügen Trost / Freude /
 vnd Zuflucht hinwider empfinden / vnd bekom-
 men.

men. Ach du getrewer Gott / du weisst vnd kennest mein Hertz. Derhalben ich mich auff dich allein verlasse / vnd alle meine zuuersicht auff dich / meinen H E R R N / vnd GOTT / setze. Du wirst allbereit auch beschlossen haben / was selig vnd gut ist. Ach H E R R E / Wende dich mit deiner Barmherzigkeit wider zu ons / vnd erhöre mein / meiner lieben Jugendt / vnd getrewer Landschafft seuffzen. Hastu aber in deinem gnedigen Willen / was seligers mit mir beschlossen / in deinem Namen: *Fiat voluntas tua Domine, secundum misericordiam tuam. Amen, Amen, Amen.*

X X X I I I,

Almechtiger / Ewiger / Barmherziger Gott vñ Vater / Nach dē / du nunmehr dz Lōbliche / Vhralte / Christliche / vnd Fürstliche geschlecht / vnser lieben Herrschafft / des Hauses Anhalt / auff die neige gebracht / Auch nunmehr allein vnser lieber Landes Fürst / Regierender Herr vnd Regent dieses gantzen Landes. Dieweil aber / du getrewer GOTT / bisshero viel grosse Vetterliche

liche Creutzen / vnsern lieben Fürsten auffgele-
 get : So bitten wir dich von gankem Herzen /
 Verleihe Stercke / gesundtheit / beständigen
 Trost / vnd Krafft / in aller Widerwertigkeit.
 Insonderheit / du getreuer Gott / Hilff du den
 besten Rath / in der ganken Regierung / durch
 deinen Geist geben. Erleucht vnd erfülle sein
 Hertz / mit Weisheit / vnd Verstandt / Das
 S. F. G. ihre Regierung / zu deinen Ehren /
 Den Vnterthanen zu Trost / auch vnser aller
 zeitlicher vnd Ewiger Wolfart / in deiner furcht
 vollbringen möge. Vnd erhalte disß löbliche ge-
 schlecht / Vnd breite die liebe Jungen Zweiglein
 weiter aus / Lass sie vnter deinem Schatten
 wachsen vnd zunehmen / Damit wir arme Vn-
 terthanen nicht vnter frembde Herrschafft ge-
 rathen. Verleihe auch S. F. G. getrewe
 Knechte / Diener / vnd gehülffen / die negst deinem
 Wort / nichts ernster / als vnsern gnedigen
 Herrn / Vnd der Vnterthanen Wolfart / mei-
 nen. Verleihe vnd gib auch Segen vnd geden-
 en / zur Fürstlichen Hoff vnd Hausshaltung /
 das es alles sein richtig / Christlich / vnd ge-
 treulich / in deiner furcht möge angefangen /
 vnd seliglichen vollbracht werden / Vnd wir al-

lersaits an vnserm gnedigen Landesfürsten /
 negst dir / Trost vnd Zuflucht haben mügen :
 Darzu du vns allersaits ein gehorsames / ge-
 tretwes Hertz / vmb deines lieben Sohns wil-
 len verleihen / vnd geben wollest / Vnd vns für
 allem Vnglück / Leibes / vnd der Seelen / gne-
 diglichen behüten / Auch gnediglichen vnser
 Seuffzen erhören / Durch Ihesum Christum /
 deinen lieben Sohn / vnsern einigen Heyland /
 der mit dir / vnd deinem Heiligen Geist / wa-
 rer Gott herrschet vnd regieret / Hochgelobt in
 Ewigkeit / Amen.

XXXIII.

Ach Gott / du tröst das Hertze
 mein /
 Du kãst helffen / trösten allein.
 Ach Gott / mein hülff / vñ ewigr trost /
 Du hast mich armen Sünder erlost /
 Durch deinen Vielgeliebten Sohn /
 Welchem sey lob im höchsten Thron.
 Allein

Inlein in Gott hoffe ich /
 An ihn glaube ich /
 Dem vertraue ich /
 Ach Gott erhalte mich /
 Vor Sünden behüte mich /
 Und endlich erlöse mich /
 In dein Reich nim mich /
 Mit all den meinen / das bitt ich dich.

X X X V.

Mächtigster / Ewiger /
 Himlischer Vater / Du weist
 vnd kennest vnser armes / schwa-
 ches Fleisch vnd Blut / welches
 du auch aus Staub vñ Aschen /
 jedoch ohn Sünde / geschaffen. Weil wir aber
 durch die Erbsünde also verdorben / das wir on
 deinē Göttlichen willen nichts von vns selber /
 was vnser Seelen Heil vnd Seligkeit antrifft /
 können noch vermögen: So bitt ich dich / Ach
 hertzliebster Vater / du wollest mir / in diesem
 meinem

meinem grossen Creutze / mit deiner Barmher-
 zigkeit / vnd gnedigen Hülffe / ganz Beterlichen
 zu hülffe kommen / mich durch deinen Geist ster-
 cken vnd trösten / in meiner grossen Betrübniß /
 vnd schweren Regierunge / vnd Haushaltung-
 ge / mit gedult / gnaden / Weissheit / Verstand /
 vnd Segen bey mir sein / Vnd alles zu deinen
 Ehren schicken vnd wenden. Vnd dieweil du
 getrewer Gott am besten weis / was ich under
 vor / Als bitt ich dich von Herzen / du wollest
 vmb deines lieben Sohns Ihesu Christi willen /
 zu diesen Sachen / deinen Götlichen Segen
 verleihen / vnd so ferne es dem Götlicher Wil-
 le / vnd allerseits zu zeitlicher vnd Ewiger Wol-
 fart gereichen solle / So wollest du mir ia wi-
 derumb ein frommes / Christliches / vnd trewes
 Ehegemahl / wie du mir den zuuor gegeben / zu-
 ordnen / die negst dir / vnd deinem Götlichen
 Wort / nichts lieber / denn mich / vnd mein herz-
 liebe Kinderlein / Welche von deinem reichen se-
 gen allein herkommen / haben müge / vnd ich
 des gleichen auch nicht : Vnd das wir in deiner
 Furcht vnd Segen / in rechter unzertrenter lie-
 be vnd einigkeit / die zeit vnser Lebens / mit gu-
 tem

tem gewissen / leben: Vnd das die lieben Vnter-
 thanen Freude vnd Trost an vns haben vnd
 sehen mügen. Ach du getrewer Gott/du weist
 vnd kennest mein Hertz / Derhalben ich mich
 auch auff dich allein verlasse/ vnd alle meine zu-
 versicht auff dich/ den aller Höchsten/ setze. Du
 wirst allein es geben / vnd schicken / woz selig vñ
 gut ist/ Vnd deine barmherzigkeit widerumb zu
 mir wenden/ Vnd nach deinem Seligmachen-
 den Willen / mich / meine liebe Jugendt / vnd
 des ganken Landes seuffzen / gnediglich er-
 hören. Hastu aber in deinem Göttlichen /
 Barmherzigen willen / was seligers mit vns
 beschlossen/ in deinem Namen: *Fiat voluntas
 tua Domine, secundum misericordiam tu-
 am. Amen. Amen. Amen.*

XXXVI.

Gott hilf mich grosse sterck
 vnd fett?
 Was hilffs/ wenn ich des
 golts viel hett?
 N Ziel

Viel Kinder aus grossem Geschlecht/
 Viel manlicher Adlicher Knecht/
 In allen künsten lehren thet/
 Dz glück mich gleich in Himmel hebt/
 Ich auch regierte tausent jahr?
 Doch bald vergeht diss allzumal.
 Darumb allein hoffe auff Gott/
 Dhn jhn ist alles müß vnd noth.

Gottfürchtig/ getrew/vnd weis/
 Verschwiegen/willig/mit allem
 fleis/
 Gleich aus strack/ mit bescheidenheit/
 Sein Sinn regieren / nach der zeit/
 Diese gaben habe in acht/
 Bleissig nach solche Dienern tracht.
 In dieser zeit sie seltsam sind/
 In tausent man nicht einen findt.

Dar-

Darumb fürcht Got/in darumb bitt:
Gewiss wird dir's versagen nit.

Ach wie fein vnd lieblich es sey/
Saget der Prophet David
frey/

Wenn sich Brüder wol vertragen/
Es thut Gott selber wol behagen.

Die einigkeit Gott allzeit gefelt/
Wo die Ehe sich zusammen helt/
In rechter zucht / vnd Ehelicher
pflicht /

Vnd es aus rechter herzlichher Liebe
geschicht:

Darzu auch Gott gibt seinen reichen
seggen/
Hie zeitlich / vnd dort das ewige le-
ben.

N it Er=

L Barm dich mein/ O HERR
Gott/

Komm mir zu hilff in dieser not / (zeit/
Erschein mir/ mit deiner barmherzig-
Vnd hilff mir jetzt/ es ist hoch zeit.

Mein grosse Sünd betrüben mich/
So ich gethan hab wider dich:

Sol angest ist das herze mein /
Es fület bereit der hellen pein.

Derhalbē hilff O HERR ganz bald/
Mein hein verschmachten/ ehe ich werd
alt.

Dein heiligen Geist mir send behend/
Mit trost/ für meinem letzten end/

Vnd nim mich auff gnediglich/

Wie ich michs verlass sicherlich /

Durch deinen Sohn/ den HERRN
Jesum Christ/

Welcher für die Sünder Mensch
worden ist.

Der-

Derhalben du heilige Dreyfaltigkeit/
 Das irrend Schefflein / so geht aus
 der Weid / (Geist/
 Fuhr wider zu recht / durch deinen
 Damit du ewig gelobet seyst:
 Vnd behüt hinförder gnediglich /
 Für des Teuffels listigen griff.
 Amen / Amen / Amen.

XXXVII.

Psalm. 118. Keimweise.

Dancket dem HERN / der
 freundlich ist /
 Welchs güte wehrt zu jeder
 Israel vnd das haus Aaron / (rist.
 Sein güte muss bekennen thun.
 Auch alle / die ihn thun fürchten /
 Sein güte müssen anzeigen.
 Im meiner angst den HERN ich
 Ruff Anrieff /

Anrieff / der auch erhöret mich:
 Der HERR tröstet / vnd mit mir ist /
 Darumb fürcht ich nit Menschen list.
 Des HERN hülffe mir beysteht /
 Mein Feind gewiss es nicht wol
 geht.

Dem HERN ist viel bass vertrauē /
 Denn auff Mensch vnd Fürsten
 Alle Heiden ombgeben mich / (bauē.
 Aber sie wil zuhawen ich /
 Im namen des HERN sicherlich.
 Wie Bienen sie ombgeben mich /
 Wie fewr in dornen dempffet sich /
 Doch dis alles sie hilffet nicht.
 Man stößt mich / das ich fallen sol /
 Die hülff des HERN thut mir wol.
 Der HERR ist mein Psalm / die macht
 mein /
 Mein heil / vnd helffer gar allein.

Der

Der Gerechte mit freuden singet/
 Auff seiner hütten es klinget/
 Vom sieg des HERN zu jederzeit/
 Die Rechte des HERN obleit:
 Welche allzeit erhöhet ist/
 Behelt den sieg zu jeder frist.
 Der Todt wird sein das leben mein/
 Sein Werck verkündige ich allein:
 Ob mich der HERR züchtiget wol/
 Der Todt mich doch nicht fellen sol.
 Sperrt auff die Thor des HERN
 Der gerechtigkeit/ ihm allein/ (mein/
 Hinein zugehn/ vnd ihm zu dancken/
 Mit den gerechten/ ohne wancken.
 Ach HERR/ von herben danck ich dir/
 Mich nidrigest: du hilffst auch mir:
 Vnd kömpt der verworffene stein/
 Gleich einem sehr guten Eckstein.
 Dis ist vom HERN also geschehn/
 Ein

Ein wunder ist es anzusehn.
 Dis ist der tag/den der HErr macht/
 Fretet euch/frölich den wol betracht.
 Amen.

Dancket dem HERN/denn er ist
 freundlich/Vn seine gute weret
 ewiglich. Es sage nun Israel/Seine
 gute weret ewiglich. Es sage das
 haus Aaron/Seine gute weret ewig-
 lich. Auch die den HERN thun
 fürchtē/Sollen die gute des HERN
 ewiglich verkündigen.

In meiner angst den HERN an-
 riefte ich/ (mich.
 Vnd der HERN erhöret vnd tröstet
 Der HERR ist mit mir/darumb fürch-
 te ich mich nicht/
 Was können mir Menschen thun/die
 nicht leben ewiglich? Der

Der HERR mit mir zu helffen ist /
 Vnd ich seh an meinn Feinden lust.
 Auf den HERRn vertrauē ist gar gut /
 Vnd nicht sich verlassen auff mensch-
 en blut:

Auff den HERRn ist allein vertrauē /
 Auff Fürsten sol man gar nicht
 bauē.

Alle Heiden vmbgeben mich /
 Im namn des HERRn sie zuhaw ich.
 Ob sie mich gleich allenthalben vmb-
 geben / (gar eben /

Im namn des HERRn zuhaw ich sie
 Vnd errette hiedurch mein leben.

Wie Bienen sie vmbgeben mich /
 Wie fewr in Dornen dempffet sich:
 Doch im namen des HERRn zuhaw
 ich sie wol sicherlich.

Man stößt mich / das ich fallen sol /
 D Vnd

Vnd der HERR hilfft mir / so ist mir
wol.

Der HERR ist mein Psalm / auch die
macht mein /

Mein heil vnd Helffer nur gar allein.
Mit freuden in der hütten der gerech-
ten man singen thut /

Die rechte des HERRen behelt den
sieg / welches ist gar gut.

Die rechte des HERRen erhöhet ist /
Den sieg behelt sie zu jeder frist.

Ich werde nicht sterben / sondern an-
fangen zu leben /

Vnd des HERRen werck verkündigen
gar eben. (wol /

Ob mich gleich der HERR züchtigt
Doch der todt mich nicht fellen sol /

Welchem er mich noch nicht gebē wil /
Denn der HERR allein weis meins

lebens ziel. Er

Er thut mir auff die thür der gerecht-
tigkeit/

Da hinein zugehn / dem HERN
dancken allzeit.

Welches das Thor des HERN ist /

Da hinein zugehn zu jeder frist.

Ach HERN / von hertzen ich dir dan-
cken thu /

Das du mich gedemütigest / hilffst
mir auch nu. Stein

Das auch der verachte verworffene
Von Bauleuten / ist worden zu einem
Eckstein:

Das ist vom HERN also geschehen /
Mus vor vnsern augen als ein wun-
der stehen. (macht/

Diss ist der tag / so der HERN ge-
last vns fretwen / vnd denselben ganz
wol betracht.

O ij O HERN

O HERR/ dein hülf thue vns ent-
springen /

O HERR/ so mus es vns alls wol
gelingen.

Der da komet im namen des HErrn/
gelobet sey/

Der segen vom hause des HERRN
stehet darbey.

Der Herr ist Gott/ der vns erleuchtet.

Das Fest mit meigen/ biss an die hör-
ner des Altars/ schmücket.

Du bist mein Gott / vnd ich dancke
dir /

Mein Gott/ ich wil dich preisen für
vnd für.

Der HERR ist freundlich / darumb
ihm danckt/

Sein güte ist ewig / vnd gar nicht
wanckt. Amen.

Im

Im 62. Psalm:

Aber meine Seele harret nur
auff Gott / denn Er ist mein Hoff-
nung / Er ist mein Hort / meine Hülff-
fe / vnd mein Schutz / das ich nicht
fallen werde.

Bei Gott ist mein Heil / meine Ehre / der
Fels meiner Stercke / meine Zuversicht ist auff
Gott. Ibidem baldt. Aber Menschen sind
doch ja nichts. Grosse Leute seilen auch.

Im 63. Psalm:

Gott / du bist mein Gott /
Frühe wache ich zu dir / Es dür-
stet meine Seele nach dir. Ibi-
dem: Denn deine güte ist besser /
denn leben. Ibidem: Das were
meines Hercken Freude vnd Wonne / wenn ich
dich mit frölichem Munde loben solte. Denn du
bist mein Helffer / Vnd vnter dem schatten de-

D iij

ner

ner Flügel rühme ich. Deine rechte Handt er-
helt mich.

Im 64. Psalm.

Sie sind künne mit ihren bösen
Anschlegen / vnd sagen / wie sie stri-
cke legen wollen / Vnd sprechen / wer
kan sie sehen? Sie ertichten schalck-
heit / vnd haltens heimlich / Sind verschlagen /
vnd haben geschwinde Kenecke. Ibidem: Ihr ei-
gen Zungen wird sie fellen / das ihr spotten
wird / wer sie sihet. Vnd alle Menschen / die
es sehen / werden sagen / das hat Gott gethan /
Vnd mercken / das sein Werck sey.

Im 65. Psalm.

Derhörest Gebet / darumb
kömme alles Fleisch zu dir. Unser
Missethat drücket vns hart / Du
wollest unser Sünde vergeben. Ibi-
dem: Erhöre vns / nach deiner wunderlichen
gerech-

gerechtigkei / Gott vnser Heil / der du bist zu-
uersicht / aller auff Erden / vnd ferne am Meer.

In 65. Psalm / vmb Segen
des Landes.

Du machest frölich / was da
webert / beide des Morgens vnd
Abends. Gottes Brünlein hat
Wassers die fülle.

In 66. Psalm.

Lobet ihr Völcker vnsern
Gott / Lasset seinen Ruhm weit
erschallen. Der vnser Seelen im
Leben behelt / Vnd lest vnser füs-
se nicht gleiten.

Denn Gott du hast vns versucht / Vnd ge-
leutert / wie das Silber geleutert wird.

Gelobet sey Gott / der mein Gebet nicht ver-
wirfft / noch seine güte von mir wendet.

In

Im 67. Psalm.

Gott sey vns gnedig / vnd seg-
ne vns / Er lass vns sein antlitz leuch-
ten / Sela. Es dancken dir Gott die
Völcker / Es dancken dir alle Völcker. Das
Land gibt sein gewechs / Es segne vns Gott / vn-
ser Gott. Es segne vns Gott / Vnd alle Welt
fürchte ihn.

Im 68. Psalm.

In Gerechten aber müssen
sich freuen / vnd frölich sein für Gott /
vnd von herzen sich freuen.

Der ein Vater ist der Waisen / vnd ein Rich-
ter der Widwen / Er ist Gott in seiner heiligen
Wohnunge. Ibidem : Gelobet sey der H E R R
teglich / Gott leget vns eine Last auff / Aber er
hilfft vns auch / Sela.

Wir haben einen Gott / der da hilfft / Vnd
den H E R R H E R R N / der vom todt erret-
tet.

Gott

Gott ist wunderbar in seinem Heiligthumb/
Er ist Gott Israel/Er wird dem Volck macht
vnd krafft geben/Gelobet sey Gott.

Im 69. Psalm.

Gott hilff mir/ denn das was-
ser gehet mir bis an die Seele. Ich
versincke im tieffen Schlam / da kein
grundt ist / Ich bin im tieffen wasser / vnd die
flut wil mich erseuffen.

Gott/du weisst meine Torheit/vnd meine
schulde sind dir nicht verborgen / Las nicht zu
schandē werden an mir/die dein harrē/HEXX/
Herr Zebaoth/Las nicht schamrot werden an
mir / die dich suchen Gott Israel.

Ich aber bete HERR zu dir/ zur angene-
men zeit / Gott durch deine grosse güte/ Erhöre
mich mit deiner trewen hülffe.

Errette mich aus dem kot/ das ich nicht ver-
sincke / Erhöre mich HERR/denn deine güte
ist tröstlich / Wende dich zu mir / nach deiner
grossen barmherzigkeit/vnd verbirge dein Ant-
litz nicht für deinem Knechte / denn mir ist angst.

P

Erhö.

Erhöre mich eilend/mache dich zu meiner Seele/
vnd erlöse sie. Ich aber bin elend/vnd mir ist
wehe/ Gott deine hülffe schütze mich. Die Elen-
den sehen vnd frewen sich/vnd die Gott suchen/
den wird das hertze leben. Denn der HERR er-
höret die Armen / vnd verachtet seine gefange-
ne nicht.

In 70. Psalm.

Gle Gott mich zuerretten /
HERRE mir zu helfen. Frewen vnd
frölich müssen sein an dir / die nach dir
fragen/Vnd die dein heil lieben / immer sagen /
Hochgelobet sey Gott. Ich aber bin elend vnd
arm/ Gott eile zu mir / Denn du bist mein Helf-
fer vnd Erretter / mein Gott verzeuch nicht.

In 71. Psalm.

HERR ich traw auff dich/las
mich nimmermehr zu schanden wer-
den. Errette mich durch deine gerech-
tigkeit / vnd hilff mir aus/ Neige deine ohren zu
mir/vnd hilf mir. Sey mein starcker hort/dahin
ich

ich immer fliehen möge / der du zugesagt hast
 mir zu helfen. Denn du bist mein Fels vnd mei-
 ne Burg. Ibidem: Denn du bist meine zuver-
 sicht / HERR / Herr mein hoffnung von mei-
 ner jugent an. Auff dich hab ich mich verlassen/
 von Mutter Leib an/ Du hast mich aus meiner
 Mutter Leibe gezogen.

Ich bin für vielen wie ein wunder / Aber du
 bist meine starcke zuversicht. Las meinen Mund
 deines ruhmes / vnd deines preises vol sein teg-
 lich.

Verwirff mich nicht in meinem alter / ver-
 las mich nicht / wenn ich schwach werde. Gott
 sey nicht ferne von mir / Mein Gott eile mir zu-
 helfen. Gott deine gerechtigkeit ist hoch / der du
 grosse ding thust / Gott wer ist dir gleich? Denn
 du ledest mich erfahren viel vñ grosse angst / vnd
 machst mich wider lebendig / Vnd holest mich
 wider aus der tieffe der Erden herauff. Du
 machest mich sehr gross / vnd tröstest mich wi-
 der. Meine Lippen vnd meine Seele / die du
 erlöset hast / sind frölich / vnd lobsingen dir. Den
 schemen müssen sich vnd zuschanden werden / die
 mein vnglück suchen.

Im 72. Psalm.

Gott wird das elende Volck bey
recht erhalten / vnd den Armen helf-
fen / vnd die Lasterer zuschmeissen.
Man wird dich fürchten so lange die Sonne
vnd der Mond wehret / von Kind-zu Kind.
Ibidem. Denn er wird den Armen erretten / der
da schreiet / vnd den Elenden / der kein Helfer
hat. Er wird gnedig sein den geringen vnd Ar-
men / vnd den Seelen der Armen wird er helf-
fen. Er wird ihre Seele aus dem trug vnd fre-
uel erlösen.

Gelobet sey Gott der HERR / der Gott Israel /
der allein wunder thut / vñ gelobet sey sein herr-
licher Name ewiglich. Vnd alle Lande müssen
seiner ehren voll werden / Amen / Amen / Amen.

Im 73. Psalm.

Israel hat dennoch Gott zum
Trost / wer nur reines hertzen ist. Ich
aber hette schier gestrauchelt / mit mei-
nen

nen füßen / mein tritt hette viel nahe geglitten.
 Ibidem. Dennoch bleibe ich stets an dir / denn
 du heltest mich bey meiner rechten hand. Du lei-
 test mich nach deinem Rath / vnd nimbst mich
 endlich mit ehren an. Wenn ich nur dich habe / so
 frage ich nichts nach Himmel vnd Erden. Wenn
 mir gleich Leib vnd Seele verschmacht / so bistu
 doch Gott allezeit meines hertze trost vnd mein
 theil. Aber das ist mein freude das ich mich zu
 Gott halte / vnd meine zuuersicht setze auff
 den HERRN HERRN / das ich verkündige allein
 dein thun.

Im 74. Psalm.

Gott warumb verstoffest du
 vns so gar? vnd bist so grimmig
 zornig / ober die Schaffe deiner
 Weide? Gedencck an deine gemei-
 ne / die du vor alters erworben /
 vnd dir zum Erbtheil erlöset hast. Ibidem. Un-
 sere zeichen sehen wir nicht / vnd kein Prophet
 predigt mehr / vnd kein Lehrer leret vns mehr.
 Warumb wendest du deine hand abe / vnd deine
 rechten von deinem schoss so gar?

P. iij

Aber

Aber Gott ist mein König von alters her/
der alle hülffe thut / so auff Erden geschicht.

In 75. Psalm.

Gott ist Richter / der die-
sen nidriget / vnd jenen erhöhet.

In 77. Psalm.

Ich schreie mit meiner stimme
zu Gott. Zu Gott schreie ich / vñ er erhö-
ret mich. In der zeit meiner noth suche
ich den HERRN. Wenn ich betrübt bin / so den-
cke ich an Gott / Wenn mein hertz in engsten ist /
so rede ich / Sela. Ich gedencke der alten zeit / der
vorigen Tare. Wird denn der HERR ewiglich
verstossen / vnd keine gnade mehr erzeigen? Ist
denn ganz vnd gar aus mit seiner güte? Vnd
hat die verheissung ein ende? Hat denn Gott
vergessen gnedig zu sein? Vnd seine barmher-
zigkeit für zorn verschlossen? Sela.

Aber doch sprach ich / Ich mus das leiden /
Die

Die rechte hand des höchsten kan alles endern.
Gott dein weg ist heilig/Wo ist so ein mechtiger
Gott/als du Gott bist?

XXXIX.

Im ersten Buch der Chronica /
am 12. Cap.

DON Benaia/Welcher zween
Löwen der Moabiter geschlagen hat/
vnd noch einen Löwen mitten im Bruñ
zur schnee zeit. Hat auch einen Egyptische Mañ
geschlagen / welcher fünff ellen gross gewesen/
zu welchem er nur mit einem stecken gangen /
dem Risen seinen spiefs genommen / vnd in dar-
mit vmbbracht.

Im ersten Buch der Chronica /
am 18. Cap. der HERRE David
Christum verheisset.

DEñ aber deine tage aus sind/
dz du hingehest zu deinē Betern/So
wil ich deinen Samen nach dir er-
wecken/

wecken / der deiner Söne einer sein sol. Dem
 wil ich sein Königreich bestettigen / der sol mir
 ein Haus bauen / vnd ich wil seinen Stul be-
 stettigen ewiglich. Ich wil meine barmherzig-
 keit nicht von ihm wenden / wie ich sie von dem
 gewand habe / der vor dir war / Sondern ich
 wil ihn setzen in mein Haus / vnd in mein Kö-
 nigreich ewiglich / das sein Stul bestendig sey
 ewiglich.

Im andern Buch der Chronica
 am 2. Capitel.

Sird gedacht / das der Kö-
 nig Hiram / dem König Salo-
 mo / zum Hause Gottes Cedern holtz
 auff dem Berg Libanon fellen vnd
 hawen lassen wil / vnd solches auff
 flossen bringen im Meer gen Tapho.

Im andern Buch der Chronica
 am 5. Capitel.

Da

Da Salomon die Lade des
 HERRN aus Zion / durch die
 Leuiten / in das newe gebawte haus
 des HERRN bringen lest / vnd die
 Priester mit iren Trommeten vñ Gymbaln Gott
 lobeten / da ward das haus des HERRN erfül-
 let mit einem nebel / das die Priester nicht stehen
 kundten / zu dienen für dem nebel. Den die herr-
 ligkeit des HERRN erfüllet das haus Got-
 tes.

Im andern Buch der Chronica /
 Cap. 14.

Serach der More / ist wider
 den König Assa gezogen / mit einer
 heeres krafft / tausent mal tausent
 vnd dreyhundert wagen starck. Wie aber der
 König Assa gegen sie zeucht / küffet er Gott
 ernstlich an / vnd verlest sich allein auff Got-
 tes allmechtigkeit. Da kumpt als bald ein
 flucht vnter die Mohren / das der König Assa
 ihnen nach jaget / vnd sie gefellet / das auch kei-
 ner oberblieben.

Im

Im andern Buch der Chronica /
Cap. 16.

WE der König Assa krank
wird / Meldet der text / vnd sucht auch
in seiner krankheit den H E R R E N
nicht / sondern die Erzte.

N O T A.

Die Prophecey Micha / wider den
König Achab im 18. Cap. im andern
Buch der Chronica.

Aus den Psalmen

Wenn man gegen seine Feinde zeucht / zu
sprechen.

Psalm 45.

Psalm 36. Psalm 55. 64. 69. 71. 77. 85. 86. 88. 70. 42.
41. 31. 39. 25. 91. 6. Beth Psalm.

Danck Psalmen.

Psalm 103. 108. 111. 116. 117. 118.

Im

Im andern Buch der Chroni-
ca / am 25. Cap.

Denn also stehets geschrie-
ben im Gesetz / im Buch Mose/
da der H E R R gebet vnd
spricht: Die Väter sollen nicht ster-
ben für die Kinder / noch die Kinder für die Väter
/ sondern ein jeglicher sol vmb seiner Sünde
willen sterben.

Ibidem. Denn bey Gott stehet die krafft zu
helffen / vnd fallen zu lassen.

Im andern Buch der Chroni-
ca / am 32. Cap.

Saget der König Hiskia zu
seinem Volck / Fürchtet euch nicht /
vnd zaget nicht für dem Könige
von Assur / noch für alle dem hauf-
fen / der bey ihm ist. Denn es ist
ein grösser mit vns / weder mit ihm. Mit im ist
ein fleischlicher arm / Mit vns aber ist der
H E R R vnser Gott / das er vns helffe / vnd führe
vnsern streit.

D. ij

Diese

Diese Sprüche sol ein jeglicher Christlicher
Kriegsman wol in acht haben / vnd sehen / das
er den rechten Obersten bey jm im felde habe /
vnd nichts wieder den helffen volbringen / so
wird er glück vnd heil haben. Vnd wenn er
schon durch vnfall / mit dem Tode obereilet wird /
so behelt er ein gut gewissen / vnd einen gnedigen
Gott / vnd stirbt ja so selig / als wenn er sonst
Christlich auff einem Bett entschlefft.

XL.

Der kan nicht vbel sterben / der wol
gelebet hat.

Ich habe keinen sehen böses todes sterben /
der sich in aller gottseligkeit geübet hat.

Psal. 39.

Das zeitlich leben ist nur einer hand breit / dz
solte man wol bedencke. Testimonium Dauidis.
Wer fürcht sich aber für seinem zorn? Psal. 90.

Wer gern sterben wil / der sol das leben nicht
zulieb haben.

Die gröste Sterbkunst diese ist /
Bedencke das end zu jeder frist.

Zm

Im namen des HErrn schlaffen wir ein /
 Im namen des HErrn wir auffstehn fein /
 Im namen des HErrn wir alles fahen an /
 So schadts an Leib vñ Seel / weder Frau noch
 Man.

Man tracht viel mehr nach gelt vnd
 gut /


Denn das recht freundschaftt werd behüt.
 Man acht jetzt gelt vnd gut viel mehr /
 Denn freundschaftt / trewe / lieb / vnd ehr /
 Das mus ja Gott geklaget sein.

A M E N.

2 21
Bedruckt zu Zerbst,
Durch Bonaventur Schmidt.



Anno M. D. LXXXVII.



Blatt 100 verso

Accordant in Gerde
durch Bonaventur Schindler




Blatt 100 recto


Blatt 101 verso



M
Bl 2480

(X 2220520)





B.I.G.

Farbkarte #13

SACRA POEMAT A.

Das ist /

Geistliche Gedicht / Durch Weilandt

Den Durchleuchtigen

hochgebornen Fürsten vn̄ Herrn /

Herrn Joachim Ernten / Fürsten zu Anhalt / Grauen zu Ascanien / Herrn zu Zerbst vnd Bernburg / etc. hochlöblicher seliger gedechtnis / mit eigener hand auffgezeichnet / vnd nach Sr. F. G. tödtlichen abgang / in derselben Kirchenstul befunden.

Daraus zuuernemen /

Wie S. F. G. mit Geistlichen vnd Leiblichen anfechtungen wol versucht / darinnen

göttlicher hülf vnd worts / sich hertzlich getröstet / mit tieffer andacht in embsigen Gebet sich stets geübet / vnd nicht allein für die ihren sampt vnd sonderlich / sondern auch für die ganze Landschafft / vnd Vnterthanen / als ein rechter Vater des Vaterlandes / trewlich gesörget / gewacht / gebett.

Gott zu lob vnd ehr / Sr. F. G. zu beständigem zeugnis / vnd allen Christen zum guten exempel publiciret.

Sampt einem Register.

CVM GRATIA ET PRIVILEGIO.

Anno Christi 1587.

1250

